

白
拳
集

序目一之六


漢書門	
一〇四	類
七八四	號
六六	函
四六	架
冊	

內閣文庫	
三二七	函
一〇四	冊
九廿	架
冊	
號	
類	

內閣文庫	
番號	漢 10484
冊數	4 (1)
函號	317 99

317-99





由拳集叙

淺草文庫

屠長卿蓋從頽上徙青浦矣令頽時
諸所著文章詩賦頽諸生乃請付削
剗而非長卿意也海內諸人士讀而
豔焉輒從長卿乞集而長卿雅不欲
傳然終不能拒間亦一二屬工墨之
楮輒風雷於是長卿益自秘以故傳

又

者董董而及今令青浦所著文章詩賦益鴻鉅益不能自秘而馮太史開之謂前刻稍類乃取而與沈太史君典刪定之增新者十之六更名曰由拳集蓋由拳故青浦地人傳泖水澄隱隱下見城郭狀以故是集得專名焉而開之更取付剖剔屬予叙謂曰

山知其又傳余固靡有知識詎寧以麇為麟以雉為鳳耶且好醜愛憎初匪相關枌蘭琺瑯亦所並崇縱積毀扇於青蠅多口滋於妬嬝吾為子解嘲矣乃親披編牘用以殺青云嗟乎先生志董矐靈蛟門孕秀家無擔石釜有生魚門對大流曠夕塊抱雅鬪

雜伎獨喜豪吟探玄而玄咀微而微
上瞬千古闊步一世旁無人也嗟乎
先生束髮授書游心區表開設門戶
標剗旗幟縱橫蔚於河漢綺繪充於
箱帙倚與偉矣夫敏以揚脩彌日不
獻才以劉鴟攬筆遲回先生舌妙談
鋒腹涵經庫含毫輒索千言動墨即

申長素雲飈電駛風行濤怒飛兔膽
礮山鬼魄禘洵才轢賈誼捷先枚乘
矣聿稽竹素可得而云其文漆園在
前御寇在後先秦驅左兩漢馭右其
詩諷浚三百韻標十九沈宋良朋李
杜好爰其易則迸澁難之指其難則
薄平淡之趣其詭怪則目游神躋其

突蹶則肘搏巨蟒其深長則遠人之
入太興其奔佚則造父之控生馬思
劇沈鬱語亡襲仍九極天坼地形越
神超即小際嫺情意新句繪曾何心
於夙構特掉鯁於食時嗟乎先生所
謂天地心生心生言立言立文明者
聊先民有言州縣之職徒勞人耳哉

壯語以自標表達哉斯言寔獲我心
大氏列錦繡績者辭綺必靡矯舌抗
喉者調激必詭拊句束字者氣溺必
沉刻肺鑄肝者意幽必瓌徒摹擬之
為工忘優笑之至恥雖令執木鐸以
自鳴人猶將弃而勿省也唯先生以
古鑄今以已鑄古識足以緯其詞才

足以彪其旨象之所會境之所迎機
駭弩流雲興泉逝雖枚叔之敏思孔
璋之駿發子建之茂材正平之迅捷
方之茂如矣甬東之勝秀甲越絕北
瞰長湖南濱鉅江霸王之氣大國之
風也賀監而後騷雅寂寥千載猶瘖
大運邁興群公鵲起先生繼之益覺

厥靈遂令潤色前猷功侔初始聲啞
鍾簾氣奪海濤豈不偉哉論先生者
謂宜羽翼清華出入楯陛補袞闕之
遺忘定俎豆之厖綴而高材乏于貴
仕至德困于百里曾不得飽侏儒之
一粟奏卜祝之末伎頰仰古今良可
愴歎嗟乎道詘若信事晦若章幽靈

之物亡施不神卓爾之器亡往不通
先生爰自下車响拊百姓治敦精誠
同希官譽用能仁晉騶虞化洽馴雉
邑頌塗歌謹于時雨且以退食之暇
揚扈先民優游竹素徵其意聞爾清
真采其辭爛焉華瞻養德則神存冥
寂潭坻則氣類飛揚興到情來匪由

雕飾境多體物法每師心單言子語
惣擬南金尺璣短箋並屬大珪所欲
匍匐千里延思十年者得以諧所舊
聞副所信慕奚羨往初何知來喆展
矣有生之至快恒物之獨遇也夫簿
書案立高于丘山胥隸庶伺溷于鬼
魅當之者亡不神搖觀之者亡不氣

序
六
瑟而先生鳴琴為政既稱委蛇矢筆
吐辭復妙天解雖其恢刃有餘抑天
助之不朽者乎嗟乎方諸應月麒麟
應日物有必至機有必合當其殊調
同堂胡越及其合意千里比肩賤子
希懷玉之藏世人襲按劍之迹失路
以來仰屋唏噓詎意先生歆其澗毛

采其管蒯縣南州之故榻追鄴下之
舊塵損以珠璣之評被以丹青之鑒
眇昧生光獎飾增價謬屬定文猥令
翔序夫談天喻日語屬蒼茫醞鳳脯
麇事非實際鬱葱煙煜寶氣目眩存
亡滅沒天機易爽識慙子野安辨濮
水之神聲出欬巴董同六馬之智敬

撰里言用申清泚匪云托聲于鶴和
要亦附翼于蠅飛云爾

徐氏

鼎孺

王源

由拳集卷之一目錄一

賦

溟海波恬賦

霞奕閣賦

閔貞賦

五色雲賦

歡賦

君子見當掩口

二卷

詩古體

杲杲初陽

壯風淒淒

懷哉維人

五月不雨

目錄

巍巍泰山

煌煌帝京

雖有斧柯

園有鳴鳩

鴻飛啟冥

出自都門

鴻鴈嗷嗷

朝登海門

采芝歌

吳門歌

短歌

桂華不實

述哀操

樊生歌

荆璞贊

翟節婦贊

十賢贊

老聃

莊周

延陵季子

魯仲連

范蠡

張良

東方朔

龐公

李泌

蘓軾

三卷

古樂府

易水歌

子夜四時歌

懊儂歌

白頭吟

燕歌行

猛虎行

董逃行

公無渡河

大堤曲

白馬篇

芳薳

豔歌行

妾薄命

行路難

烏棲曲

有所思

雉子班

臨高臺

鈞竿歌

隴頭水

折楊柳

關山月

紫騮馬

劉生

捉搦歌四首

陌上桑

短歌行

銅雀臺

秋胡行四首

善哉行

豔歌行

玉階怨

子夜歌十首

白石郎曲

青溪小姑曲

三洲歌

夜度娘

江南弄

採蓮曲

鳳笙曲

龍苗曲

四時白苧歌

荆軻歌

胡姬年十五

結客少年場

行路難四首

採荷調

江皋曲

春江行

映水曲

登樓曲

四卷

五言古詩

感懷十首

雜感六首

遠遊

伍員廟

南霽雲

觀穫

張大司馬惠芝園集寄謝

與故人酌先大夫簡肅公墓下作

聞沈嘉則先生與汪長文遊四明洞天作

東海吟四首

冬日道中

懷太末諸所知

春日望海

觀海篇

夜宿海邊

愛妾易馬

斑婕妤

塞下曲十首

臨淮曉發

徐州道中感懷

徐州謁三義廟

初至長安二首

遊子吟

三司馬詩

都下懷海上諸故人

田別張太史

訓于子冲

寒節秋香卷為范使君母夫人王題

送陳子有遊金陵

贈遲茂弘孝廉

尋二陸先生墓二首

聞莫廷韓諸君山中尋

梅有作

發穎上

懷穎中父老

泛泖

詠史六首

答李伯達

春日郊行

閒居

與開之夜坐

晨起讀書作

登天馬山

於青溪思虎丘洞庭諸

六卷 名山作

仲春田家作

惟唐此部惟良

五柳庄詩贈呂泰興心

文先生

五卷

五言古詩

雜懷八首

於青浦懷鄉曲故人

感懷詩五十五首

六卷

七言古詩

東海高士歌

贈天台范文學汝東

悼溺海壯士

元宵篇

閨情二首

閨怨

李生行

述哀篇

唁葉鄭朗

贈陳將軍

傅御史行

贈吳生

薊門行

天台山人歌

打獵篇

送沈長孺東還

贈瞿九思

瞿童子詩

訓周元孚民部

送桂博士入楚

贈沈茂仁

長安明月篇

田別沈君典馮開之諸君

寄顧益卿

彭城下吊項羽

淮陰祠下作

吳王歌

蕩子從軍行

東海病農歌

七卷

七言古詩

莫廷韓諸君夜集

送莫廷韓壯上

白門行送徐長孺

贈王元美廷尉

贈王百穀

馮先生行

金塘歌

一青浦吟贈彭欽之

放歌行贈徐孟孺

送吳升嘉壯上

康生歌

唐人歌

吁嗟行為開之賦

存石草堂歌

西湖曲為三先生賦

八卷

五言律詩

中秋二首

富陽舟中

蘭溪酒家

登會稽山

聞張太擁豔姬乘丹江上

桃江道中二首

登沈嘉則先生明月榭

嘉則先生同葉元升田升過草堂

春日遊陳將軍園 夏日兩後登張氏山樓

哭紹仁族孫五首 春日集司馬公園詩年字

正月六日兩集司馬公源波館詩青字二首

元夕集司馬公宅 春日同嘉則先生汪長

文葉元升集柴仲初樓中詩還字

陪張大司馬遊茂嶼二首

秋日懷友人 冬夜與諸君酌萬壽山房

冬日柴仲初葉元升見過

太末歸哭紀秀才一首 冬日江却晚睡

登岫盦亭四首 金峽寺二首

初夏莊居有懷 古廟

夏日看山六首 夏夜獨坐有懷二首

登招寶觀海三首 秋夜對月有懷余生

送沈嘉則先生之上海吊朱邦憲

山中書懷十四首 愁

夏日懷友人 懷揚伯翼

懷柴仲初 瑤瑟怨

山行

汪長文寄寓文公禪房

社中詩君過个得通人二字二首

再集司馬公新山

桐廬曉發四首

不寐

幽棲

得柴仲初書

冬夜宿嘉則先生青棠館

同胡明府登佛塔亭二首

剡上

江村晚步同戴仲德

雪中集余君亭翠碣樓

送李太學北上

送趙給事諳尉高安二首

余君房携酒楊太學園中酌程生

夏日同程孟孺及社中諸君集張司馬公園

峇戴仲德訊余蕭寺之作

李山人招遊蕭皋不赴

葉鄭朗携酒湖止餞嘉

則先生

湖上夜歸

送余君房壯上得洲字

楊伯翼見過

毗陵道中

揚州除夕

邵伯湖阻凍

揚州春日

宿州道中

彭城懷古

旅夜懷余沈二子

詞娃

舞女

鬪鷄

走馬

彭城覽眺

范增墓

嘉則先生以赤霄行見

寄曰知其田滯通州有作

行路難

壯地二首

涿州懷古

樓桑村

渡滹沱河

良鄉道中

送余君房下第東還

碧雲寺

送張京兆歸省

送李西安

任丘道中

河間大水

登第後過山東逆旅戲作二首

漂母祠

東阿道中

江上見彗星有感

書懷

御博士

方博士

林博士

聞管建初同孫以德登

太和却贈二首

郊行

行縣飯田間暫憇徐太常莊居四首

送桂博士還四明 贈吳叔嘉

壽家長君六十首 嘉則先生馮開之小坐

池上夜坐 董陽明以詩見投却寄

百舌詩

九卷

十言律

沈嘉則先生應聘之楚復聞留滯吳中有作

登太虛樓 蘇小小墓

贈李將軍 夜飲李將軍帳中

送艾將軍之南海 豔歌

九日登郡城樓二首

秋懷四首 攜尊酌田耒

秋夜宿嘉則先生叢中

送余君房沈箕仲北上

岳武穆墓下作 贈陳將軍使日本

贈得烏衣巷送周使君之金陵

讀孫太初集 曹娥廟

清道觀 吳太史廢宅

海上聞亂有懷

春夜集方山人話舊

慈恩寺贈岐上人

張司馬新山成與社中

諸君賦

延慶寺格上人房揚伯

翼携酒同諸君祖餞留別得珠字

寄壽孔文谷先生

嚴陵二首

蘭溪舟中

潁江舟中

舟中別孫參軍志山及其從子廣文

大雪渡錢唐

舟中懷社中諸友

贈徐太常

戴拾遺祠堂

冬夜酌司馬公所

春日登郡城樓

咏綠牡丹

訓范司馬公

范司馬公園

輓劉民部四首

金塘山人

姑蘇懷古

楊子江

泰山夫人

六合道中

彭城登項王戲馬臺

客中書懷

燕齊道中懷觀察劉公

初至長安作

春日早朝

萬壽聖節

入自左掖

長安七夕

西山

贈柴大叅入賀萬壽節便道歸省

出塞四首

送李侍御按遼東

送孔博士還太末兼之山東掃墓

燕李臨淮第

新秋夜集吳文仲宅

夏夜沈箕仲馮開之丁右武徐茂吳沈少卿

陳伯符集嘉穀軒得人字

夏夜集徐茂吳宅

秋夜集陸敬承宅

秋夜集周元孚宅得輝字

夏夜對月咏懷

對月代內作

秋夜諸君集嘉穀軒

訓趙燕父

贈陳伯符二首

送查大叅之山東

送柴大叅之太原

入直左掖中貴乞詩有作

歌風臺得歌字

燕子樓得樓字

贈孫以德太史

送凌合肥

贈魏茂明司理荊州兼東令弟茂權

贈沈丈

送史金吾之承天守皇陵

王太史送長公光祿先生歸南海

都門懷嘉則先生 王母篇

送戴少府之溧水 贈瞿瞿夫還楚

贈姜山人 攜尊與沈箕仲諸君餞

別王敬美 贈王敬美

中秋同黎惟敬諸君集陶茂中宅得朝字

留別孫文融儀部 李惟寅携酒顯靈宮同

沈箕仲君與馮開之與予言別賦此

與馮開之登昆陵閣言別

長安秋興四首 秋閨怨

途次懷寄長安諸故人四首

風雨渡寶應湖 揚州懷古

金山寺二首 哭張大司馬四首

遲孝子廬墓 西湖宿四賢祠四首

寄馮開之四首 贈孫太史持節大梁四首

喜孫太史至自太和二首

答贈范太僕 春日燕王元美先生奔

州山堂今得青岑二字

哭竹墟司馬六首 送孫以德北上

送苻卿徐公還朝 送顧汝和中翰奉使滇

南還朝二首

寄懷張長公兼憶先司馬

奉訓徐少師

寄贈葉司理

送姬孝廉還四明

喜馮開之予告歸

陳子有以邦憲先生諸子見過

寄贈陳使君思進

中秋夜餞別沈嘉則

秋日同沈嘉則袁履善馮開之泛泖登塔四

首

送嘉則先生還四明

送曹子念遊台岩

答寄張幼于

寄張伯起

贈赫使君

集范太僕嘯園

寄柴仲初葉鄭朗二子

送杜使君入覲

寄唁董生

送郁秀才之金陵

寄贈王敬美觀察

馮開之陸伯生吳叔嘉疫集彙中

送馮開之之婁江訪二王先生

寄贈歐楨伯

寄懷李臨淮

聞元美先生有奇遇詩以訊之

花影

聞嘉則君典開之會於

湖上有作

東門河堤成四首

送陸伯生過訪楊明府同作秣陵遊

十卷

五言絕句

江上

春日莊居

送戴仲德還山

江樓夜坐

漁樵

野望

春疲

軒轅石

淮泗道上十首

浮潁四首

雜咏八首

雜詩二十首

送陸君策之白下三首

升木槿二首

如姬

元夕同徐孟鶴踏月

正月十五夜

送徐孟孺哭茅生

袁將軍墓

歲寒苑

寄沈太史四首

湖上二首

元旦有懷四首

登天馬山四首

吳歌八首

開之別後作

十卷

七言絕句

別牡丹

代牡丹送別

江上別友人

秋雨懷張司馬公社中

諸友十二首

呂升光七首

太末別友人四首

贈孫太史便道歸吳會

無壽二親四首

感事

西湖四首

趙姬墓七首

懷李生

懷諸子

太末道中

過孔生故居

姑蘓送別二首

江南竹枝詞十首

徐州元夕二首

渡黃河

燕京即事二首

送姚司理之吉安二首

同馮開之訪李臨淮馬上口占

贈陳伯符奉詔歸娶七首

送劉弼父高平二首 陳生惠馬鞭

訓黃清父四首

宮詞十首

塞下曲十首

擬李白清平調三首

秋夜客十二首

雨雪敬賴上留別遲茂

弘諸子二首

金閭詩四首

寄莊壽州二首

京兆四首

七夕別友人四首

青龍浦全諸君送莫廷

韓得春字

寄訊沈嘉則先生

寄懷王百穀四首

舟中宴集得期華字

故人孫茂才見狂贈別

寄田叔蕪憶先司馬

和嘉則先生四詩

雜詩二十首

反愛妾換馬

從軍行三首

青浦署中有鶴臨池照影偶失足幾墮焉戲為

此詩

送彭欽之應試白都二首

書五岳壯遊卷贈張山人平林二首

豔歌二首

浦口夜汎同嘉則開之三首

秋夜與嘉則先生微服登城四首

送方象甫上春官四首

湘水曲為張太史賦二首

寄懷高升伯讀禮山中

為范太僕咏孫漢陽畫

綠牡丹

為陳仲醅壽其尊人

咏白團扇

江上觀水軍

伐肉以玉簪遺孫夫人二首

寄瞿生甲

贈沈才之西湖訪開之二首

十二卷嘉則先生詩選序 壽稷丘先生八十序

唐詩品彙選釋斷序

舊集自序

贈陳伯符奉命歸娶序

贈楊君令益都序

贈徐君令海陽序

壽李翁六十序

壽黃翁七十序

壽江大夫人六十序

出使錄序

陳子有制義序

壽范太僕七十序

壽谿谷先生五十序

青溪集序

十三卷

書

讓柴仲初

與李之文

與楊伯登二首

與賀伯聞

與余君房

與田叔

與沈長孺

與馮開之小牘八條

上座主啓

與沈君典諸子

與孫太史諸君

與張長公諸君

與沈君典三首

西卷

書

與沈嘉則先生二首

與孫以德

與貞夫

與王元美先生

與開之

與沈少卿

上汪宗伯

與沈箕仲

上座主朱太史

與唐惟良

與魯合肥

寄余沈二太史

寄高先生

五卷

書

寄田叔

寄海上故人

又寄余君房

又寄楊伯翼

寄張長公

寄李之文

寄開之四首

與沈君典

寄少宗伯王公

報徐長孺二首

與王伯毅

奉徐少師

與高升伯

答沈嘉則先生二首

目録
卷十
答錢淵父

與開之五首

十卷

書

與王元美二首

與丁右武

與王敬美

奉陳玉未

與馮太常

與鄭職方

答陸宗伯

寄張幼于兄弟

答徐孟孺

答王敬美

寄張太史

寄館中諸司馬

上張申二閣師

與王百穀二首

與沈君典

與周元孚

答徐孟孺

與王元美先生

與王百穀

與瞿瞿夫

與馮開之四首

與孫以德二首

與董陽明

與嘉則先生

與孺毅

與甘應溥侍御

與董太史

與馮駕部

與陸敬承

與沈箕仲

與楊公亮

十七卷

書

與李之文

與陳伯符

與歐植伯

與沈君典

與王元美先生

與沈茂仁

與沈少卿

與顧實甫

奉少宗伯余公

與沈肩吾太史

與李臨淮

與王敬美

報賀伯闇

與馮開之

與沈君典

與君典開之

與馮開之

與王元美先生

與李之文

與周元孚

與王百穀

與馮開之

與王百穀

與田未

與馮開之二首

與君典開之

與沈君典

與君典開之

與馮開之

與沈嘉則二首

報開之

十八卷

碑記

脩潁上縣東門河隄碑記

禱雨記前

禱雨記後

重建勅封昭靈侯張龍王祠碑記

開化紀遊上

開化紀遊下

壯征記

發潁陽記

二陸先生祠記

管仲鮑叔廟碑記

十九卷

傳

吾謹傳

開化令傳

少司馬屠公傳

王慶士小傳

程列女傳

沈嘉則先生傳

二十卷

祭文

祭陳主事

祭范夫人

祭沈夫人

祭比部朱先生

祭方夫人

祭伍進士

祭史夫人

祭魯母袁太宜人

祭家司馬

祭柴方伯

祭張大司馬

干卷

祭神文

祭河神二首

告城隍三首

祭城隍謝雨

祭張龍王

祭武安王謝雨

祭城隍謝晴

祈晴

謝晴

干卷

誄

先君丹溪公誄

大司馬張公誄

干卷

雜著

文論

與友人論詩文

擬岳將軍上秦相國書

嶺西大捷露布

趙太夫人行畧

目錄

十四

贈陳伯符奉詔歸娶錦帳詞

謝安書

文苑

雜著

序

謝安書

文苑

序

雜著

由拳集卷之一

東海屠隆長卿著

賦

溟海波恬賦

西嶽山人遊於東海遭東海生於海濱西嶽山人
 揖東海生而進曰僕西嶽山人也世居西嶽華山
 下今者汗漫遊於東海敢問東海之豚奚若東海
 生曰夫東海天下巨麗之觀也今者子從華山西
 來大海之豚吾且與子共覽焉又焉事僕空侈談

東海生即屠隆也
 屠隆名不露姓名
 設為西嶽
 山山問答
 偉哉雄偉
 詞語富麗
 前有司馬
 長卿後有
 屠隆
 以口談不
 若親見之
 為直有是
 達人曠士



東海勝
詳悉周
編非領畧
山水臭味
如東海生
者不能如
此道

其盛哉乃相與登海門縱目觀之偉哉大浸恢詭
特異氣蒸宇宙流濕雲翳簸弄廓萬形失履合
渾沌并元氣蕩入荒吞四裔湍瀆浩淼起必不知
其窮際爾乃踟躕旁皇於其上海風蓬上而蕭颼
高天下焉大地欹浮長波捲雪跳沫崩丘肆遐矚
於空曠顛倒恍惚宵然喪其赤縣神州雄恠駁爾
心目神光散而不收西嶽山人曰有是哉東海之
豚一至此壯也東海生曰今者子徒得其大觀尚
未領其奧區也僕攷之載籍東有大壑名曰歸虛

天作西元
子康海之
聯聯然
在目中矣

楞音牙木
名高數大
兼在其上
陰音慈
新谷空也
吟音坡大
空貌
翠音卒律
音律峯頭
嶠岩也

受八紘九野之水納天漢之涿而廊乎有容滴乎
無餘南通滇池東至瑯琊壯且玄朔西涉流沙掩
三湘吞七澤杯盃九河潢潦四瀆大海之外又復
脊海禹迹之所不能到圖經之所不能載日月躡
九於其中浮大地之幾何曾不盈其一塊又有扶
桑千仞上凌太空查枿豁呀靈根莫窮巨鰲載乎
五山峙萬古之神功橫波乘漲不與世通唯飛仙
而能至寔乃天帝之所居蓬萊翠嶺而軒露方壺
天矯而騫驤大鳥集松壙垠之野羣仙會於虛無

之場遊鴻濛遨雲將樂苑風嬉東皇盧敖偕若子
 而夷猶安期邀羨門而翱翔淳圉拉陵陽而容與
 浮丘接王喬而徜徉仰貫列缺之倒影上干北斗
 之瑤光吾將劃然長咲矯焉輕舉駕赤螭躡綵虹
 蛻塵跡訪仙蹤以凌乎海上之諸峯子其能我後
 乎西嶽山人曰唯唯是或難哉子將凌虛徑度僕
 恐身不能生毛羽若乘舟以往即望見仙山輒奮
 天風吹之而太柰何子無誕矣僕聞之聖人出世
 海不揚波有諸東海生曰然即越裳氏所稱今豈

逸人仙童
口吻

劃音卓

詞語翻
讀之令人
飄仙去

先叙海上
勝景而後
及海波恬
文字波瀾

劉殺也鼓
音固

之謂也今 天子禋聖首詔改元恢唐虞之至德
 流大海之波瀾化及昆虫恩被八埏而西蜀劉公
 又適膺 天子簡命以節鉞來鎮東偏於錄劉公
 一代偉人坐鎮方面雄視海門千艘霧列萬竈雲
 屯威令霜肅德煦春溫大海以東兀然重閔巨鎮
 不啻一虎踞而龍蹲也方今 上之未御寰宇而
 劉公之未秉節鉞於東土也當其時島夷跣梁弄
 兵海上鯨鯢吹腥蛟鱷鼓浪洪波鼎沸飄忽震蕩
 掠豕編戶虔劉元元壯者俘誠老弱見錢積骸如

日者集

卷之一

三

絡繹相續
不絕之貌
徵石也

日海集 卷之一

立流血成川羽書交馳偵騎絡繹將士枕戈 天
子肝食固嘗徵發荆楚之劍士召募三河之臣骨
廣收秦隴之勇悍結納燕趙之豪傑莫不臨陳怖
栗不戰自摧虜人屠之如芟艸萊賊用偪獫疾於
風雷淝河以東江淮以南賊衆橫行蹂為戎馬之
墟城邑蕭條人民逃遁 天子震怒大吏伏誅秉
鉞相繼並而翦鋤今者劉公之來軍鼓大揚不怒
而威不戰而強窮寇褫魄遠竄遐荒公志弗懈愈
嚴邊防爾乃伐鼓撞鐘建羽揚旂叱咤則噴薄山

現此維聖
天子之神
威而劉公
之勳亦見
榮見長御
身賦直為
劉公勤石

岳指顧則旋轉滄溟截水怪驅蜃精奔巨鯢走長
鯨伏罔象之神姦禡支柳之猗徕陽侯頓戢其惡
風靈胥不鼓其狂波琴高伏日月之光景海童吸
陰陽之靈和竒相助順於沙汭岷精呈曜於巖阿
駉馬遯迹於重泉水光潛形於盤渦龍鯉一角而
馴擾天吳九首而婆娑沈遊神蛺屏息靈鼉文魃
精麗其鋒綺玄蠟光生乎織羅樓臺結乎蜃氣光
羊簇於若華百靈栖息萬怪不譁瑞藹葱蒨珍竒
孕出玳瑁璀璨絢霞映日水晶獻於馮夷之宮冰

白卷集

卷之一

四

壯言海况
恬而海上
之珍奇畢
現

鷓音唆鷓
音似鷓鷃
似風

撒音辰日
款出貌

綃貢於鮫人之室明珠來於驪龍之澗大貝出於
龜鼉之窟璠玉見於折木之津玫瑰效於金樞之
穴鳴后叩而有聲浮磬塵而不汨又有文鷁窈窕
竒鶴連娟白鵠踉蹌玄鶴翩躚爰居之栖島嶼屬
玉之下藍田大鵬之翮垂雲鷓鷃之光竟天是皆
珍怪瓌瑰權竒鬼化詫希世之瑞而壯靈海之觀
又如颶風不作海若大喜平波展鏡深不見底天
朗氣清廓落萬里曜靈出於暘谷朝暉映于扶桑
乘騎鬱而縹緲沉壑浮而蒼茫六合清塵王風四

揄揚皇威
雅而不浮

張百粵底定物無災傷配美周京海波不揚若乃
島夷卉服窮髮貢輒新羅高麗朝鮮琉球烏衣黑
齒穿心飛頭海外之國類千百許雕題文身獸形
鳥語天界夷夏隔絕中土莫不梯山航海問關長
征重譯欵塞來朝聖明獻琛質子頓首闕庭妖氛
滌蕩寰宇澄清海無驚波東方以寧於是玉帳晝
閑高牙夜寂鳴笳不動刀斗不擊元戎坐笑圍棋
對客椎牛饗士超距投石戰卒解甲健兒橐弓水
犀三千貔貅萬營舳舻巨艦舳艫鱣鯨錦帆綵幔

此言海波
恬而三軍
得休息

青雀黃龍莫不維纜海濱橫槩相連高歌鼓吹擊
榜叩舷三軍驩譁誼極徹天或觀濤於浦口或弄
潮於急湍或試射錢塘之強弩或戲擲駘石之長
鞭漁者垂簷何之綸投任公之釣搜滌徊之涿窟
幽眇之島總江豚羅海豨取鮪鰾索王鱸帆檣相
戛和歌擊鮮而或引吞舟之巨鱗連橫海之頰尾
鬣鬣插雲顛骨積壘流膏吐涎腥聞千里獵者張
機設網列滿坑谷七歇海獸奔駭馳逐獲狡兔縛
鉅鹿麟玄猿螭孫攫納骨專車割鮮殷載至若海

此言海波
恬而海上
編民安其
生

此言海波
恬而環海
齊民安其
生

上編氓居鄰斥鹵煮海為鹽沃饒萬戶經營太公
料理仲父筴藉勾稽大國以富或採海鎔注來隨
潮水母目蝦屋瓦瓦坻石華海月螺蚌鰓鮑金蘆
玉膾人鮫肥膏又若海舶大賈易貨島外挂席海
水憑陵澎湃出沒魚龍經涉神怪關吏不詰津卒
自在齊民之環海而居者樂化日之普照沐聖澤
膏滂涯魚鹽襍選煙火萬家秋熟粳稻春榮桑麻
黃稚鼓腹而嘻遊俠少蹴躅而紛拏吳歛越唱激
楚渝巴搥鼓吹笙管絃嘔啞歌士遊女聯袂滿車

未又結聖子之神成
劉公之勤庸甚足得
體

遺簪墮珥履舄交加矜珠玉之滿盛闢羅綺之繁
華斯皆 聖天子之宣鉅允敷偉功運真宰參玄
宵仁覆京邑旁流四封而宴劉公之胥大造於東
也是以 朝廷釋東顧之憂大臣不復建靖海之
策 天子舉萬壽之觴於上詞臣撰太平之頌於
側高居穆清海天寧謐又奚必如漢武泛蓬萊之
樓船秦皇侈會晉之勒石皇圖永固其臬無極僕
將與子偃臥海濱覽其巨麗收其閑放以天子之
胷臆於是西嶽山人瞿然而驚爽然而喜起謝曰

河伯水神也若順也

僕居華下日嘗登峴巖履崔巍以為天下之大觀
自華止矣今者觀於海復聽子談東海之勝迺今
勝自樂耶莊生河伯海若之喻詎不信哉

霞爽閣賦 有序

族孫峻以司寇即陳情歸脫屣軒冕放意立壑
博雅好古與世冥諧寄莊生之傲逃於空虛守
揚氏之玄遊乎寐莫操大人鴻鉅之業恢曠士
寥廓之觀騁茲龍駟永謝矢矧矯彼冥鴻何施
矰繳蓋誠翩翩近世之佳公子也構樓江許制

按音切子不也

極宏敞余與諸君登而樂之憑高覽下萬念為
空裂昔蕩曾六合都喪余也長嘯希元龍之豪
雄篇媿仲宣之藻擗管抽思為霞爽閣賦其辭

曰

有玄覽生冥心六合抗志九垓陸沉於俗遊息無
闕宅太清之爽塏謝市塵之喧逐及春允之駘蕩
撫高閣而崔巍崔嵬乎高哉其為閣也割鴻濛以
作界攬虛無以崇墉奠東極以規制順青陽而經
營駟句芒而啓道詎時令於木公清氛埃於箕畢

富材助力
並兩漢完
即繁音駕
六朝

豎音家屋
棟也

卷陣生風
翻隱欲飛

鼓元氣於豐隆綵雲充棟蛟螭浮牕丹霞卷幔白
玉聯牀覆以雕甍綴以碧璫重檐兀乎孤騫長廊
翼而高張颯沓逶迤輾轉茫洋上拔層城下交長
江後枕巨海前覽大荒金我東指秦望西降近倚
四明之嶄絕遠拱天台之石梁儼山川其暎帶與
寨廊而徜徉聊登高而送目極平楚之蒼蒼思策
足而凌倒影亦飛心而挂扶桑飄若登霞眴若捫
日髣髴步碣石之宮憇閭風之室目搖搖而不寧
耳愴恍而靡一園林窈窕間以陂池秀木扶疎嘉

歲音威延
音慈章太
實貌桐音
間大木也
榭音斛敝
水也榭音
聖河卯也
榭梅也子
如杏而酸
芍白芷華
也菘音章
也榭音謹
水榭朝生
夕噴可食
護忘愛章
也祀音送
砌也
徵音吞日
故出貌

卉歲粧欄榭榿榕梗栴檜松沙棠本蘭青楓白桐
離竒輪困鬱鬱葱葱幽蘭素馨紫葍芳蓀辛夷踣
躅木槿葵護雲霞絢爛紅白續紛緣井幹而騁豔
當玉祀而楊芬頰眦洲渚綠波微鋪下乘雁飛雙
鳧采蘋藻酌菰蒲賦蘭茝味糜蕪旁日月而飲沆
瀣招安期而望蓬壺納灑氣於虛牖象仙人之所
都朝暎夕霏變幻於側春燕窺簾秋螢度席嘗覽
物而歎逝亦忼慨而沉惻爾其疾風崩雲海水若
驚白波相摧山嶽鼓舞乘騎翕張煙沙莽互氤

音音洪駭
言声也給
呀谷空也

靈野揮霍吞吐砰磅訇隆呀吼怒大敵振谷餘
響排戶憑虛一覽黯不可睹激悲壯之長言收跌
宕於靈府至若萬里無翳天高氣朗明月照而雕
闌空天河低而朱扉敞江青海碧颯然蕭爽若標
霞光而孤映溯元化而猷往爾其中也搜二酉之
秘簡藏五岳之真圖儲泰山之玉牒畜禹都之金
書發鴻寶之奇策集虎觀之鉅儒春容璀璨間雅
且都策此天駟駕彼龍輿闖乎上乘躡乎靈虛張
皇要眇之論博究宏達之旨高參坤北下淪渣滓

在鍊整齊
天地字有
數文字

執戟揚雄
官不過批
戟劉向校
書天祿閣
有老人吹
杖藜大以
以照之楊
雄作甘泉
賦成夜夢
口吐白鳳

整肅如冥
筵之列

顯揭二曜幽入蒙汜俯括後代仰超無始漂唐流
虞蕩殷滌如正言森列卮言淋漓大言極乎圖南
小言託乎鶯斯掩中壘之博綜窮執戟之玄思燃
青藜而照夜吐白鳳而離披至若蕙肴既蒸桂酒
既清聖羣公於暇日接高燕以娛情進犧尊陳霓
觥彈雲璈吹玉笙倒篋王粲虛左侯嬴折節田光
厚禮荆卿山林羽儀之士廟堂瑚璉之器談天炙
轂之辯弄丸擊劍之技子雲筆札君卿喉舌五都
豪舉三輔哥傑莫不奉其清塵聆其馨歎或含毫

句語典麗
詞氣飄逸
自具塵芥
功名浮雲
富貴氣象

授簡篇章灑灑長嘯談而天籟應秀句落而波臣
駛至若嘉賓出門焚香燕坐玩心蒙李潛神楚興
隱几頽然青山忽墮付高情於天雲遺形融於彼
豕齊萬乘於丘民又安知高臺之與蓬顆章華既
墟銅雀為丘黃煙起荆門西陵生松楸漢水無恙
漳河自涿嶠訶響絕妖姬不收繁華綺麗委彼道
周余欽伊人之玄邈永標睞於茲樓辭曰登傑閣
兮臨鴻濛采三秀兮於山中春秋代謝兮如飄風
春艸綠兮秋荅紅萬物總盡兮歸化工丘壠言兮

揚枯蓬何不鍊液兮還其童一室臥遊兮當何窮
駕青霓兮驟西龍御六氣兮徧八紘朝崑崙兮莫
空同懷公子兮心忡忡願後之兮排玄穹

閔貞賦 有序

翟節婦之死余既為之贊乃心高節婦不已既
讀楊司空閔貞賦感焉可謂異世同慨遂有此
作碩富材勁力既乏漢叢亮節繁音復慙六代
聊以寫余心之忡忡矣

煌煌燕泉端居至尊倚拔堪輿包絡川原屋庸廟

湯音傷

情思委曲

音調玲瓏

六朝兩漢

先叙燕京

後叙燕左

俠士為賦

霍節婦張

本見即婦

烈士皆山

川秀氣所

鍾

視太行龍奔金臺崔嵬高枕帝閭玉河湯湯流於
薊門王氣盤礴秀結雄屯覽方輿之滕槩吊往古
之遺蹤昭王發憤昌國景後太子召乎馬角荆鄉
感乎白蜃田光慨而折首漸離擊筑而悲恫精
光變天歎訝生風燕立其而俠骨銷易水寒而壯
士去靈氣不收山川奔互蜿蜒鬱糾是生貞嬾維
此貞婦婉孌靜柔吐鳳占於太卜迎雁幣於寒脩
奉君子之清塵懼下女之是羞薦蘋宗廟采綠道
周調瑤瑟之和聲結錦襜之綢繆指白日以蒞盟

疾潛血染
衫襟
搖復如婦
當日半景
詞最凄楚
感 傷情

誓黃河之長流娛清風於曲房
朏明月於高樓銀缸照夜
紈扇度秋期千齡而萬歲不挂
人間之離憂何夫君之不延
儵淹化而訣絕恒嶽峰摧
遼海波竭榮華霜殞光景電滅
朱絃慘其無聲玉簫短而吹折
爾其為景也高天沈寥平野蕭
條朔雲下垂層冰折膠大陸不
流薊馬失驕河盡檉柳原枯
蘭若日落沙昏煙起風噪鬼火
微陰房青華燭滅玄堂高冷月
鑑乎總帷飄風動乎銘旌佳人
慘怛黯乎傷情爾其為容也
咿咿喑喑漆漆沉沉霜樓

花馬節婦
凄涼情狀
讀之令人
淚濕青衫
輻音而矣
車喪車也

同音高郊
白垆

素面淚落空襟朱粉不御羅襦
塵侵脫去玉珥棄擲華簪神亡
形稿若聾若瘖瞋息塊苦之上
枯坐靈輻之下鬼伯相呼司命
不假悵夫君之不来白日匿而
長夜屏寢食以徬徨願靈脩之
速化役夫君於夜臺永與世而
相謝豈思古人恫鬱怛怛晞心
令女矢志陶嬰疑妻斷臂梁竈
殘形遊目蒼梧之野想鼓瑟之
湘靈殷啼痕於脩竹銷綠黛於
黃陵爾乃絕粒而逃枵腹而稿
影閱寒垆墳荒古道孤月照而
添黃空雙燕飛而重門悄綉被
委於香

塵玉骨化為瑤州悼夫婦之精竟託葛蘿而憑幽
鳥效伉儷於黃壚後天地而不老

五色雲賦

五月既望遵湖而西驅車高原飲馬空陂娟娟者
湖秀絕而孤綿亘十里暝帶城隅沙長水明沉鷗
浩鳧青蒲照人綠波平鋪乃稅駕於湖濬吊管賢
之遺跡余欽斯人兮高曠俯大湖而歎息嘆息自
天俛仰今古何彼卿雲爛焉以巨迴合朗暎曠日
微吐菽天者半厥色維五厥狀瑰麗玄黃雜組或

道助古雅
兩司馬文
章

吉薄金石
彩散雲霞

英葩艷質
色色可人

髮音地髮
髮也

蕙美似美
韓出水見
青賞心

如玄圭或如白珂或如靈芝或如玉禾或如絳綺
或如紫紵或如文杏之葉或如含蕊之顆或如瓠
原之草或如春湘之波澹脩看之連卷呈冶態而
婀娜又如萬卷菟開百鳥齊飛竒姿窈窕秀色離
披威鳳之彩葳蕤錦鷄之翼差池屑屑霏霏纒纒
裊裊紛乎若纈蓋乎若鬣又如僊人製錦俗色雲
君濯彼天河五彩成文丹霞失麗明星載昏長天
紺碧遙光深靚羣山並朗回浦獨暎芙蓉相鮮下
燦紫葍大物矜炫變幻靡窮至散至合若淡若濃

廓兮若啓宵兮若幪嗟此璀璨雕彼太素神乎巧
 哉天孫所妙何文章之綺靡恐上帝之是怒疇驅
 真宰泄祕抽玄東壁獻圖丹甲命篇挾河漢以希
 彩走五星於毫端振藻耀日鴻思寫天筆妖豷而
 直上捫列缺而倒懸洵天章之巨麗何人工之能
 為相如么麼子雲無奇錦心莫吐彩筆藏輝雕龍
 刻鳳之技黼黻藻火之形莫不銷其文采遁其精
 靈金闕洞開高敞玉樓丹青鐫落棟宇雕鏤閣道
 玲瓏列僊出遊引以瑀輿夾以華輶霞裾成削環

蜀錦齊統
爛然奪目

駕風鞭霆
可馬家法

珮相糾紛朱幢與紫蓋嵌七寶而雜琳球朗焉翕
 飛六合晶熒繪山川絢日星掩關門之紫氣奪霞
 標於赤城胥爛其光燁燁其英王母之所不能謠
 羣臣之所不能賡是誠乾坤之上瑞兆 國家之
 文明焉馬袂爽悅矣骨驚余安得躡層雲而上馳
 下覩大地之與蓬瀛聊申意於斯文帳獨立而屏

營

歡賦 有序

余處冗賤百憂煎人側身天地長苦跼蹐思欲

揮悶散心寄興楮墨我思古人動多憂愁昔士
衡歎逝文通賦恨驚心動魄一字一歎每一披
覽秋氣颯颯風雨欲來使人惻愴幾不知有生
人之樂矣友人馮夢禎謂僕曰子何不為歡賦
悅心暢意破彼我之煩懣宣萬物之鬱塞則此
道貴矣岐忍苦之語易好歡娛之言難工然烏
可以其難而舍毫沮喪也於是為賦焉文通諸
君子見當掩口

晨登山阿下覽八紘天地開朗風日熹明遊人出

蘇大治
如大准應

嬉川塗載平於是僕本曠士解顏暘鬱百慮盡捨

洞仙下界
壁呀皆母

萬愁若失我思古人歡情靡一娟娟皇姪夜處璇
閨薄焉遵渚帝子是依精靈感化中心不違清歌
相答游漾忘歸軒轅守和冥心合道夢遊華胥萬

態度翺躩
意趣踴躍

國熙皞終登空同後天地老子晉僊才神骨蕭爽
丹經既成捫霞直上群靈夷猶九州糞壤薄富貴
而不懷希世外之幽賞英英穆滿志狹乾坤萬里
煙鶩八駿雷奔謁西王母登彼崑崙奏白雲之長
謠俯弱水而歷天門秦家公主氣凌紫氛一當蕭

史遂獻人群攬虹霓而位佩製丹霞以為裙睇樓
 上之明月躡天邊之彩雲長辭綺閣永隨夫君千
 秋萬歲此樂何云越王破吳奏凱言歸載喙眉於
 金車挂將士以錦衣樓船壓江濤朱旗晃日輝綬
 騎填乎廣陌羅綺盈於中閨堂上燭滅笙歌不喧
 尊罍酒清房櫳月昏閣者出客主人留髡坐細毳
 以中夜傾一石而何言至若漢帝英雄初誅項王
 山河入掌弓矢斯藏過豐沛兮訪故借父老弓尚
 幸歌大風而忼慨覽雲氣之飛揚又如延年獻歌

軒昂西爽
有談笑破
虜之勢

也
凡音缺切

夫人初御驚玉骨之凝霜豔輕綃之如霧樓閣會
 風階除隊露洵明珠之照人判傾城於一顧衛霍
 出塞士馬精疆匈奴滅漢道呂黃金朱第列侯煌
 煌鈿釵佐隊歌舞成行相如美葉文君私喜臨邛
 直亡成都歸市姿態豔目芙蓉心死紅蘭茁芳砌
 青苔生玉祀雖貧賤其何傷願百齡以為矢若夫
 太液波明昭陽月滿香蓮骨舟喧風送管黛色欲
 絕歌聲年緩旣和媚而魂癡亦死嚴而心斷兔園
 既開梁王意歡碧瓦宵白朱門夜寒集詞客之鴻

眉若神龍
之戲水橋
則勁翻之
搏風

藻駘凍雲於毫端孟德芟除四方蒿萊雄圖既就
猛士歸來引漳河以為池鑄銅雀以為臺清吹干
雲步輦轟雷高歌烈士泰山崔巍陳王妙才應劉
卓犖寶馬塗羈光輝歷落出馳東郊歸宴平樂神
飈蕩空青山暎閣會稽諸賢遠覽高步山川崩峭
雲物莽互喬松夾道脩篁繞戶一咏一觴凌虛徑
度庾公風流佐鎮武昌挾賓佐娛景光攬明月登
胡牀酣飲其無人代長嘯而下天霜又有征夫戍
邊思婦含悽長想忽見遠行乍歸今夕何夕月白

秋波一博
令人清趣
融液

皇輝高堂啟兮春溶上朱簾捲兮秋湧上新昏
兮出瓊珮佳期至兮藉芳蘭金炉兮乍熾紅燭兮
未殘莫不款尔弥洽爽焉和愉寸腸不結雙眉長
舒知離憂之為何物豈羨夫神仙之所居

由拳集卷之一終

由拳集卷之二

東海屠隆長卿 著

詩古體

杲杲初陽

杲杲初陽升於高岡光輝照地萬物既昌幽谷深
哉不可藏不可藏也初陽之光也

杲杲初陽升於崔嵬光輝照地萬物既誕天道高
哉不可夷不可夷也初陽之輝也

杲杲初陽升於嶰嶰光輝照地萬物咸絜遠而望

秦篆法刻
古邑驚人

日考集 卷之二
之不可褻不可褻也初陽之烈也

初陽三章章八句

北風淒淒

北風淒淒吹彼中林豕酒既清鼓瑟彈琴

秋天蕭條北雁南征鳴鳩之鳴不如倉庚之無聲

漆以閤揚膏以明戒燭火煌皇不如陰崖之無光

北風三章章四句

懷哉維人

懷哉維人斯人之賢賢而去我其別以年眷焉

之明星在天

懷哉維人斯人之秀秀而公豕其別已久眷而望

之明星在牖

懷哉維人斯人之親親而去我其別載春眷焉望

之明星在門

懷哉維人斯人之故故而去豕再見霜露眷焉望

之明星在戶

維人四章章六句

五月不雨

商豕周豕
古色豕豕
觀者豕豕

不着色相
清逸可掬

瓜山岩下
氣象

五月不雨天道其頗大夫不仁下民則罹余其枯
哉無稿我田禾

余大夫不仁其無以豕民豕龍初飲於河潛玄
雲自東靈雨浹旬饑彼南畝煩子載欣匪大夫繫
維我民

五月二章一章章六句二章章十句

巍巍泰山

巍巍泰山梁父安矣梁父安矣松栢盤矣
廣岬高哉河水深矣河水深矣遊魚潛矣

堂堂國中大道周矣大道周矣疇不由矣

鴻鵠蚤栖恐懼於羅矣碩瞻四海豕心何矣挾瑟
而歌既樂且和矣既暴且和矣不知其他矣

泰山四章二章章四句末章章八句

煌煌帝京

皇皇帝京翼翼翼翼方士脩其德載潔其裳釋菜學
宮賓於天子賓於天子天子天子是使王事執掌女賢
則勞朝辭於庭暮馳於郊
遵彼大河壯望高嶽女維王人維營于洛

隱然蒼翠
功名飄去
玩山水視
波岸管若
餘自雁世
網者大星
淵矣

吉出金石
韻協宮商
風平大
雅之奏也

洛邑大國天子之藩衛命以往峻事乃還命滯周
南洛水之陽自春徂夏以雨以霜爾馬玄黃爾車
彭彭匪肯則久匪道里長男子之生經營四方

皇皇帝皇三章一章章十二句二章章四句

三章章十四句

雖有斧柯

雖有斧柯不刈禾室雖有旨酒不宣我懷如懷如
何志在丘中環堵之宮以鼓以鍾江水滿焉可
揚遂我心冲融

句新調說

秀色可食

維瓶之罄維壘之恥維民之罪由余小子厥維艱
哉若涉於泥慎爾有位無後匪彛無典刑是隳我
心調飢

斧柯二章一章章十一句二章章十句

園有鳴鳩

美在承嗣
手豎

園有鳴鳩零露在桑春日鳴鏃呼我同行與子道
遥載咏載觴
河廣以浩唵唵其魚有鳧有鳧有荇有蒲灼灼荷
華采采采之風波是虞

我登高陵原野湊矣交既秀矣藂木茂矣文雉鳴
矣隴阪崎嶇我車後矣

鳴鳩三章一章章六句二章章七句

鴻飛歌真

鳳亭鴻翔

鴻飛欲冥挂雲羅神龍蜿蜒無大波深山夜行猛
虎效白日道上畏吏呵君子裴徊將奈何

鴻飛一章章五句

出自都門

出自都門駟馬秋原原楚曠哉風日不温臨風氣

詩金要
雍上盛世
之奇

結黷矣何言一解何言嗟咷涕落我襟河水初冰

嚴霜被林壯鴈南翔遺此哀音二解哀音則那懷

永故人三解既遠悲思日新會晤何嘗俟河之津

三解河津無梁會晤無期行歌自軍宛轉踞岐搖

搖秋蓬飄風何之四解

鴻鴈傲敖

鴻鴈傲上遵彼故林之不何淺人情何凌一解世

略艱哉連峰崢嶸永無怪卑行將奈何二解北風

吹林虎嘯猿啼濁河湯湯豈無清溪三解至人無

蟬脫腐音

累達者何憂懷哉忠信金石以游

四解

朝登海門

朝登海門濤如連峰玄雲載馳青桂蔚藜

一解

名風微海水說登手持釣竿暮宿海曲

二解

致歌

煙空連山皚皚天風吹裳鴻雁下來

三解

采芝歌

朝亦采芝莫亦采芝之主嫺上同風吹之倚杖崑

阿下照清池吹之木草木在松枝

吳門歌

我登吳門進望綠波長洲逶迤墓田何多

短歌

喬木多陰晁士多懷憂來無端西風鳴哀

一解

登高臺以望曠遠浮雲西馳白日何短

二解

崑崙以臨具茨四海雖廣一容湏可

二解

登海水難測短褐行歌罄出金石

四解

挂華不實

挂華不實士采虛巖詭避汾罔文以相徵張機載
道玄豹于征雖有土圭不能測天人蔽九疑詭知

惟視世界

朴茂有古風

雅雅雅暢
作金石聲

勤破世情
机関洞灼
人心底裏

其端大道不夷 萊施孔艱行步雖工言笑則難樂
哉旨酒可以延年

述哀操 有引

族孫紹仁自京師回死東昌道中其妻哭
之哀余聞而悲之為之述哀操

哀極兮無情啼極兮無聲吁嗟胡為兮萬里行驅
駘之兮無京返素車兮西陵風以莽兮黃河水靈
之來兮將焉馮

樊生歌

西風漸涼

嗟死不歸乘兮樊生行道哀兮樊生嗟未可死兮
樊生未可死兮樊生死胡為兮樊生爾木藻兮余
本夫兮余親老兮爾婦少兮吁嗟乎樊生

荆璞贊

王和石耶奚以明胡為乎刑胡為乎爭吁嗟乎卞
生

翟節婦贊 有方

客有從京師來者為言翟尚書妻孫婦某氏生
二十年其夫死婦哭之哀已不哭則絕粒坐夫

秦趙之爭
為此璞也
卞足之則
為此璞也
長卿此贊
元我多字
該括許多
意思曾亦
世人不分
正石回

暮雨西風
泣斷後

柩旁婦父母及諸戚族咸至日夜勸婦食曰若夫無祿死已矣何為自苦若是爾即不守若志非夫子婦也即守若志為未亡人猶夫子婦也柰何死為即死若命會當有盡時見夫子地下未甦也人壽幾何生者惟死是恩而子速之無乃非人情乎婦不應第瞑目坐竟日夜不就寢倦則稍住久伸狀已復端然不動家人取水漿強飲之齒禁不啟久之乃息漸奄奄以微積十二日竟餓而死東師士人夫及聞巷之民支視

如雲屠隆聞而悲之曰嗟乎烈哉翟家婦耶婦即矢志靡他可以無死勸者之言是也而婦竟死過矣雖然世之衰也男子之無剛腸久矣矧婦人哉矧婦人哉朝釋衰經莫為容華醜面而事兩姓者何可豚道有如翟家婦竟死哉且不死水火不死刀鋸而死餘死善矣君子柰何求多於烈婦哉於是乃為之贊贊曰

謂天蓋夢謂鬼神蓋荒烈婦之夫云胡以殤匪夫之殤厥為婦殃白日杲杲照彼繁霜人命不延胡

王際水清

涕而滂飄風搖搖逝波湯上鬼伯相呼夫子相將
 吁嗟茫茫九州豈不樂康他人則樂婦心之傷黃
 墟陰冥歸途何良歸來歸來與夫翱翔豈適百年
 與天地長吁嗟匪歲則餓匪室無糧絕粒而死宛
 胡不減緬邈孤行義士同行壘婦何所於彼首陽
 之旁

此贊可與
 司馬公贊
 孤竹居侍
 也亦不朽
 詞語可以
 注鬼神

十賢贊

余讀史策服膺古人遐想其高風遠致忻然有
 當於心即不敢自附執鞭之義每覽玄超足為

塵鄙乃為之贊

老聃

混元一氣夙秉靈樞吹萬布德真人是儲遇形為
 物乘化無隅鑿焉埋照遊於虛玄德獨朗众器
 為羸宣示上善閔惻羣愚世無關尹孰探其珠

莊周

莊生狂言凶懷矯激其神龍驤其形蠖屈沉幾自
 冥馳辯若脫浮雲富賢滓穢萬物天之放民四游
 超忽

詞句並廢
 班馬法門

西漢書段燦

延陵季子

季子有知
含味地下

延陵明德博識多聞達觀天壤特主塵氛精研周
樂妙品人文義附子減信歸徐君長松偃壑永遺
清芬

魯仲連

魯連峩峩肅笑音微抱德神城吐論屑霏東定齊
難西挫秦威功成掉臂千金土灰旁睨六合雲空
曷羈道存丘壑名賈布衣百代遼絕斯人其歸

范蠡

核實不浮
文字蒼古

慧心巧手

莊有英雄體道合權秉節內察應機外負屈體三
卷終薄雲天摧吳霸越功伐乃宣朝登朝署夕攬
湖煙盈虛消息大人平先神龍不執德近冥玄

張良

賢哉子房雄姿豚美包籠四海播美寓縣履虎不
啞從龍取使激昂風雲覆楚登漢三尺可提五等
靡眷竦身天衢人代是玩

大有伎倆

東方朔

東方多端機穎絕倫天子俳優上帝美臣濯衣紫

海食堯崦岑偶踏宮蓮金馬隱淪戲恐侏儒數折
舍人公卿爾汝萬乘常嗔跡類抵捭心棲道真悠
悠當世孰知其神

龐公

龐公清真栖於廡門其寢不夢其跡不喧仰盼白
雲頻覽青原剗心於寐智去神存亮亦沒沒表也
胡論侯王苟賢斯道彌尊

李泌

鄴侯異人名在紫府養德谷神成功元輔麻姑搔

仙風道

史氏家法

背至尊枕股奇言匪誕逸氣攝率五嶽之上終焉

栩栩

蘓軾

吾慕長公粹質温仁壯志何皦脫德若昏文驅鉅
海道登天門苑生一了貴賤何言居貧乃肥處薄
弥敢蟬蛸塵盞覩彼無垠

著長卿發
用世而變
玩世者也
高標絕倫
海內去有
我人皮共
飲慕上夫
而力之資
尚亦自附
古之民之
意耶

由拳集

卷之二

十一

二卷終

由拳集卷之三

東海屠隆長卿著

古樂府

易水歌

木葉下兮天雨霜壯士西去兮易水長北風烈兮

兮吹咸陽

子夜四時詩

折荅臨後園風煖荅欲咲人愛荅色妍儂愛花心

好

落葉驚殘

枝頭花信
暗生香

與歡遊池上荷生蒲綠池朱花似歡面素藕似歡

肌

黃昏秋氣涼蘭房燭未滅私語無人知擡頭見新

月

玉潔水清

玉堦印瑤雪擁爐時並肩纖手撫即背低聲問郎

寒

懊儂歌

句新詞逸

白日照儂心儂心不可見願持金鎔刀剖出與歡

看

蘭桂非不香不如荼慕辛他人非不好要非心所

親

隣里解笑儂向人不敢淚亦知歡負儂心自不

悔

愛歡如楊柳歡為楊柳花搖上逐飄風飛去落誰

家

儂心如野葵歡心如春艸野葵只向陽春草處處

好

手持并州刀欲剪紅羅襦羅襦生光彩臨剪復躊

輕揚飄逸
如風行水
上波紋自
見

白頭吟

白頭吟

白日無回馭黃河無回波人情愛少年其如老
何

憶昔歸成都當壚何楚上拂拭彈綠琴淚下忽如

雨

春華方灼灼秋至而彫傷婆娑點雙鬢攬鏡恨秋

霜

昔為鴛鴦今為參與嗚故人既如此新人妾得

司馬相如
典文忍
席成柳終
語當妒
奪上鳥名
和合之說
也參商
尾名不相
宜之說也

常

君如白楊花妾如青池藕上斷絲纏綿花飛不回

首

妾經少年老少年老可知何不回新歡怜妾少年

昔

燕詩行

憶昔初嫁登君堂低看淺黛宜豔妝釵頭斜飛金

鳳皇玲瓏雜珮陳鳴璫春風吹人羅帶香流蘓宛

轉入曲房銀缸照夜夜未央但願百年長頡頏一

英詭艷質
秀色可食

錦雲暗香
似越女出
瀟湘

拭淚整殘粧

生行樂度季光臨池不羨雙死央豈知歡愛固難
常良人太年遊朔方賤妾不言心內傷舍顰為君
縫衣裳金刀玉尺淚成行送君出門天氣涼明月
照見地上霜君今騎馬遊遠鄉妾願為君紫絲韁
千里萬里隨君旁不然其如關塞長

猛虎行

英龍艷質士林傑出

二儀曠哉大道既夷上天好生万物歲牲麒麟鳳
皇無不可猛虎何為嗟尔猛虎張牙奮爪出入驚
山神萬物皆肴食汝何為獸食人駟虞不踐生艸

虎變

汝乃攫人克腹腸腹腸雖可飽人命亦可傷溪山
之中白骨蒸荒明明上天照下土雷霆下擊艸木
胡不擊尔虎尔亦怜其維元元之民一何苦

董逃行

大官儀從洵美且都

王侯甲第雲連豪華富貴薰天黃金高齊壯斗朱
戶直出南山撞鐘伐鼓朝訝莫弦金多可買万年
逍遙行樂波前一解清夜星河在門金鐙列照西
園門外車馬若雲出燕賓客入擁美人酒酣妙伎
雜陳一二艷曲陽春二解玄蟬清露灑上鴻鴈志

在稻糧輝七 噉日高堂挾瑟春風曲房何論夢艸

朝霜 三解 長安大道既平朱輪華轂縱衡搖唇五

嶽崩騰眈眈輝光爛盈寂莫身後榮名 四解 夷齊

西山不足謀英雄得嘗多起朱樓威絳芳壑鳴鳴

取樂今日遑恤明秋哀哉白骨不收 五解

公無渡河

公無渡河渡河無杭河一何廣公一何狂白日為

公黯淡共光公行被髮踉蹌追望不及徒使妾涕

下而心傷公无渡河渡河者何公愛清流妾畏風

調古而工
詞道而逸

波蛟龍九子如連山之嗟哉公無渡河渡河無方

舟人生亦足樂何必居清流高高可登五嶽下可蹶

躅步九州悲哉湘君不足與夷猶公無渡河河伯

爾須水府深黑群龍趨公無鱗甲安能水中屈公

無渡河公竟渡濁河湯湯起煙霧妾往從之不識

路公無渡河無使豕心哀公竟渡河渡河何肯歸

來公不歸來賤妾之顏常不開

大堤曲

襄陽大堤平重門開婀娜堤上胥遊女堤下臨春

陽春白雪
難為和

白馬集 卷之三 五

波

不施粉黛
自然

佳人捲朱簾
皦日照芳藪
下見襄陽兒
鼓棹春江

太

好花紅的的
豔殺大堤倡
江風吹蕙帶
聞得綠波

香

白馬篇

靡空口

白馬少年郎
銀鞍錦綉裝
朝辭萬乘出
夕赴青樓

倡

揮鞭臨大路
過處生光輝
道逢富平侯
並轡西南

馳

落花流水
溶上

稔誇悅鄭女
調笑動胡姬
容華兩相耀
羨殺長安

兒

長安多富人
寶馬不敢騎
朱顏會銷歇
天命固齊

期

芳藪

芳藪威粧當
彼青春敷榮
吐秀陰蓋四
隣主人置

酒堂上羅嘉
賓嘉賓既集
衆樂畢陳人
進北燕曲

奏西秦挾瑟
上堂一一朱
衣而華巾芳
藪臨前楹

脂粉態錦
繡腸

白馬集 卷之三 六

羨紅萼對景如此君胡不樂君不樂何不看取芳
豔今日芳明朝霜落葉黃人生榮華安得長芳豔
不飲無為北風烈烈悲枯葉

豔歌行

芙蓉秋水

明月照綠水垂柳夾朱樓妾住長千里夫婿大長

種

句新調逸

翡翠鳴前庭春日臨鏡臺回頭顧歡笑却是小姑

來

青燈點水

妾愛黃鳥聲即愛青驄蹄青驄得得太黃鳥日日

啼

香風襲人

朝回臨曲池與郎歌回波池風能滅燭光暗夜舒

荷

妾薄命

却卸廣陌莎長重門結構文窓妾家綠水橫塘十

為啼怯風
怨雨怨

五工為豔妝妙手善刺鴛鴦體弱不勝明璫脩眉

霞彩朝陽行炭光輝照梁春日城隅採桑聯鑣列

騎成行綽約不數妖倡一解秀色何人不憐歌舞

妙絕却卸千金白璧相鮮五色如雲錦棧解與城

南少年 二解 少年家本王侯貯妾大宅高樓簾幕

珊瑚作鈎後園藤蓂魚果含菴文杏相斜下芥金

塘綠洲上有翡翠斑鳩入挾錦瑟篋篋出擁銀鞍

紫駟行樂萬歲千穉 三解 千秋萬歲與君逍遙聊

樂象質豈知世事浮雲僂僂絳衣綺裙為歡春復

一暮朱樓芳榭漂淪容華零落草根昨日蕩子從

軍 四解 良人一太遠方白苧候下天霜錦衾夜捲

秋涼園林木乾葉黃不覺枯死蝸蟻玉琴罷彈清

膏十指可以縫裳夜長燈燭無充攬衣仰睇河梁

五解

行路難

天上白玉堂僊人雲錦裳虎豹伺九關安敢順風

翔東南風波惡西北隴坂長人心藏九疑浮雲變

智荒靈均秉直道努力事懷王忠信不見諒去太

沈江湘精誠誓曠日寃氣感繁霜孔聖戒臨河豈

是川無梁少年盛膏沐回睇生輝允秋至逐飛蓬

中踞以旁皇純扇歌班姬前魚泣龍陽不信長門

人寵愛替專房朱顏不可保主恩安得常

楚雨必雲
綠慘紅愁

傍孤灯暗
數更籌

休裁後帶
声調吟柳
並驅李杜

烏棲曲

亥墜流九
天隨風生
珠玉

鴛鴦瓦白月上來蕙艸微風裙帶開朱門露濕威
牲鑰城頭烏棲月欲落

窻前霜落剪刀冷夜按錦衾即不醒楊柳烏啼天
欲明送君鼓柁下江陵

即今少年好遠遊恨無綵線繫蘭舟青溪小姑不
相識問儂何故淚沾臆

有所思

有所思思君何憊憊妾棄君中野兄嫂笑我父母

新俊研頤

相憎嫌風霜欺髮髮塵埃湯滅珊瑚簪為君勤紡
績日夜斷一縑出門浣溪水水清愁殺人朱顏為
之枯塚眉為之顰君息日故思情日新願君如太
陽回光照妾身

雉子班

雉子班澤中飛且鳴汝飛不能過十丈安得與黃
鵠遊青冥黃鵠語雉子汝飛不能過十丈豕飛一
舉凌烟空吾將銜汝去遊戲碧雲中雉子謝黃鵠
吾寧飛十丈不願雲中居天路雖可戀未若南山

隅

臨高臺

臨高臺望遠水水邊日落黃烟起三山突兀生眼前
前大海波濤幾萬里側身天地俯仰湯湯吾生何
所須悲哉應昏旦百年之內憂愁君其半行思坐
語以浩歎

太水堂玉
英之照人

釣竿歌

釣竿何嫋嫋漁者行盤盤大道開九衢塵沙浩彌
漫行逢路人嗔車馬聲相謹路人且勿嗔手中有

一簑風月
老漁竿

釣竿

隴頭水

隴頭有流水日夜流湯湯流水一何駛隴阪一何
長邊地風沙肅故園春草芳啼殘金閨月成老鉄
衣霜

折楊柳

楊柳綠依依春風吹婀娜長絲復短絲垂鞭繫青
驟折以寄征人道遠關山多芳春覆繡閣霜露下
金河楊柳既如此人其將柰何

六橋紅雨
觀金鶴

關山月

白雲紅樹
隔柳閑
花間淡
落三更月

關山月流影照金闈金闈既寂寂關山重
凄凄露候羅衣濕花壓玉釵
任鷄鳴滄海曲星沒絳河西
良人萬里外小婦數行啼
翡翠今飛去何由並蒂棲

紫騮馬

長安紫騮馬蹀躞破春烟
銀鞍何翕艷金絡復媽
然塢外天飛妒樓中嬌
女憐盛年應自惜歡賞芳
春前

劉生

遊俠重三秦微軀可借人
肯負將軍諾寧辭丞相
嗔飛花嬌寶騎芳草映
文裊不向沙場上誰知百
戰身

投擲歌四首

一雙姊妹髮覆額櫻桃對
下顰相得阿姊嫁與二
子石妹嫁城南賣餅客
東家女兒花滿頭西家
女兒髮無油富貴多賤
兩不羞不看清水東西流

五陵裘馬
意氣橫集

天府笙歌

一春白雪

意趣淋漓

大家女子來上墳
杏黃衫子茜裙
翻玉壺清酒澆
釭根拜罷歸家過廟門
湖頭小婦日撻藕
短袖盈盈露雙手
即君遠出黃
河口小嬾採蓮供阿母

陌上桑

春風吹廣陌
邛邛百草芳
戴豚啼桑林
城隅夾橫塘
天晴風日好
羅敷出采桑
采桑何裊々
素手自提筐
縞裙耀白日
羅袖當風香
觀者紛如堵
啄雀不一揚
使君南來客
五馬生輝光
對面調羅敷
停

才高調逸
與李杜並
駕

老陣雄飛
所向無敵

車大路旁
珍珠室論斛
錦繡盞成箱
夫人何自苦
春花易秋霜
白璧如不惜
願下千金裝
羅敷舍態語
使君何未量
使君有珠玉
羅敷有糟糠
君將錦製帶
妾以布為裳
黃荆可作釵
何必金鳳凰
白苧可裁衫
何又繡襦裳
妾夫為小吏
位頭府中翔
使君五馬貴
揚上高堂
貴人雖則貴
良人亦自良
路旁看使君
五馬爛生光
五馬不生光
願君回末照
流影向君房
君如白楊花
妾如秋桑葉
桑葉委沙泥
楊花飄綉閣
人生不有命
貴賤各相合
妾不

白卷集 卷之三
三
羨使君使君豈羨妾

短歌行

花開青陽木落空霜手秉華燭莫上高堂少年何
知踪跡太奇氣吞滄海泰山猶卑大運不至屈
位看長弓射兔兔刀刈葵頭顱種上今我何為落
落長松化為枯蓬較老死雲猛扇無風天命如此
枉用英雄有客在門有酒在尊君如不樂日月西
奔

銅雀臺

英雄阨大運富貴終蒿萊西陵不可望寶釵亦成
灰白雲崩墓道寒月慘歌臺人去松楸暝天空鴻
雁哀

秋胡行四首

鴛鴦戲春波小大必有雙鴛鴦戲春波小大必有
雙自非頡頏同遊不親家有糟糠豈願他人曰何
臨大道停車輪堂上有阿母胡不蚤還家少小結
髮恩愛如搏沙歌以言志鴛鴦戲春波
抱貞心採桑養舅姑嬾人抱貞心採桑養舅姑夫

開元氣格
大曆風調
弄丸神品

出金石声

播弄處有丰神

君仕宦一出五年他人有金妾心不憐採來力作
 可以無饑寒歌以言志嬾人抱貞心 二解 秋胡奉
 黃金堂上阿母呼秋胡奉黃金堂上阿母呼呼嬾
 不出泣下蘓蘇向見國卿誰知即秋胡須臾嬾至
 乃是乘間姝夫一何慚婦一何怒位眉上堂相見
 不一頌歌以言志秋胡奉黃金 三解 良人太無良
 徒然稱國卿良人太無良徒然稱國卿有夫如此
 安用生哀生哀玉質自投清流輕薄之子恥與傳
 清流易竭婦恨何時休歌以言志良人太無良 四解

善哉行

來日大難地老天荒花開不飲葉落空傷 一解 秦
 望三山以臨洪波金棺之下白骨殺殺 二解 富貴
 無常飛雲流霞時移運去王侯種瓜 三解 人有美
 酒天有良宵何以為驢打鼓吹簫 四解 嗚嗚豈誕
 沉冥不昏客來咲歌客去閉門 五解 世人無端盛
 傳八公起視茫茫白雲在空 六解

艷歌行

妾本小家女却鄆城外住的的水中蒲盈盈花上

白雪阳春 難為和

一唱三嘆 有遺音

声出金石
韻協宮商
不可多得

露雙蛾揚綠烟青絲飄香霧村妝亦自理佩服尚
縞素選入趙王宮列在三千數雖有嬋娟姿終乏
却卑步歌舞讓他人羞顏詎堪願抱瑟不成聲度
曲常多誤君王既未知出為廝養婦楊花逐飄風
棲泊經長路初從下蔡歸復向吳閭去流落在泥
塗鞍馬不得駐妾命因應爾含情待誰訴

玉階怨

上
睡起歿西頭春風飄羅帳垂絲與鳥跡一一青苔

子夜歌十首

少小與郎親闔州向西園如今十三四低眉不肯
言

儂欲採茶藤藤寡傷儂手郎君儂不憎儂憎少年

口
上山投竹筐見兔疑是狼露下处央瓦夜夜不成

霜

小女學織機十指按春羅阿姊來相調戲擲手中

梭

新鮮閑淡

清逸可掬

步搖空翠
玲瓏

詞語美
可入

水中鏡月
中花

詞語温存

為愛明月光清夜花間立回房阿母嗔因何羅襪

濕

荷花生池中可望不可攀驟雨落荷葉明珠顆顆

圓

即來看花嬉花下暗嬉子妾今已三眠蠶老抽絲

死

兩小相遊處纏綿不忍離老奴如有意須遣阿爺

知

種花種天莖慎勿種芍藥好花不結子春殘空自

落

郎君隔東牆語笑花陰旁小姑解桃撻偷取紫羅

囊

白石郎曲

白石郎廟臨溪金炉无烟紅日西

芳艸盈門青松夾道江路盤迴人跡罕到

青溪小姑曲

女郎所居碧瓦朱甍芳釭扶踈上眉紫藤

三洲歌

蒼色映人

承細筆段

同舟載好烟来往三江頭乘月飲美酒
七酣彈莖侯來亦无所悲去亦无所悲
艤中携宅眷何用思家為

○返渡娘

格調風唐

有月霜露冷无月煙霧昏霧昏猶自可
月冷照罗裙

江南弄

佳人湖上權輕軻蘭漿雙七撥綠波
口中微七吟吳歌吟吳歌清且哀
妃央飛屬玉來

採蓮曲

湖頭採蓮日莫歸蓮花香氣薰
儂衣寶釵綽約容光輝容光輝
耀明月神女窺遊魚滅

鳳笙曲

參差宛轉鳳皇聲彈者恐是董雙成
霞衣雲帔烟冥冥烟冥冥細流響
心自知心自賞

龍笛曲

篔簹斑斑湘女痕寥寥夜叫水龍魂
石裂江空雲霧奔雲霧奔須臾定
人不見水如鏡

四時白苧歌

黃鳥和鳴紫燕翔
鴛鴦瓦上落春霜
雕檐畫棟生初陽
綠楊裊裊垂金牕
佳人早起調銀簧
輕羅半捲雙蛾揚
春風自來吹明璫
稱詩調曲歡未央

聲調銓錯
音韻玲瓏
如九卷之
鶴舌振霄
埃

青山合沓路逶迤
上有高臺下曲池
綠龜紫鰲遊青溪
荷花菱葉亂參差
兩娟纖指摘芳蕤
起拈玉管吹涼颺
東方月上日欲西
歌殘曲罷佞顰眉
金氣應節涼飈回
木葉乍響候虫催
不覺白露下青苔
西園花盡野蓼開
蛺蝶飛去眉耀來
美人統

扇歌正哀夜長銀燭明
瑤臺雕闌玉砌自裴徊
紫紵錦毳花蒙茸
含情含態纖且穠
蘭房温室無朔風
穠瑜匝地爐火紅
停盃送目曲未終
茨葢流響搖寒空
但願歡娛千歲同

荆軻歌

荆卿薄舞陽
七首挾秋霜
殺氣衝寒日
悲風下大荒
綉柱猶堪遶
金屏不可防
燕寇飲恨沒
秦艸逐年芳

胡姬年十五

寶馬飛花赤單衫杏子黃王孫輸玉珎國士下金
裝粉裏眉痕淺衣薰蘭氣香提壺量酒罷愁坐惜

春陽

結客少年場

白馬簇朱纓霜刀耀日明大兄為部解小弟是荆
卿力縛南山虎手斬東海鯨三盃生意氣目决秋
雲崩彈碁復擊劍都市萬夫傾捐金城踪跡殺人
田姓名取酒壚頭醉鳴鞭塞上行咲奪都護幟戲
斫伏波營五侯盡爾汝何况於老兵黃沙埋白

馬行李杜
韻類古風

俠氣尚縱衡

行路難四首

君不見石家金谷花滿園須臾野蔓生蒼原君不
見魏武銅臺走牛羊晉日金釵歌舞場時未屠沽
取卿相運去英雄沒草莽李斯黃犬空悲辛青門
不及種瓜人烏盡弓箴泪盈掬何如垂釣淮陰曲
富貴亦不快貧賤亦不憐身羊宰牛進美酒咀宮
會羽彈哀絃坐愁行歎爾何用我生有命應在
天

淋七御上
千古絕調

山行畏兕虎水行畏風波
笑中藏裂帛姐上尋干
戈手提青銅登酒樓
蒲萄向君歌不休
囊空蕭索髮如絲
悠悠不數路旁兒
賞客盡去魏其家
賢豪忽入平津閣
昨日車馬如遊龍
今日門前可羅雀
君看桃李委芳塵
對酒當歌胡不樂

鳳舞鸞翔
光芒耀日

老醜君莫歎朱顏皓齒
君莫歎落花飄風向濁水
東西曲折隨波瀾
無鹽垢面首飛蓬
龍輿鳳輦登王宮
明君王貌嬌如花
蛾眉萬里埋風沙
王孫富貴金作九
東方先生苦飢寒
五侯道上驅駿馬
處

言
一老死蓬蒿下
永歌行路讀夷喧
古來如此今何

吾羨范大夫功成方霸越
自載西施出五湖
吾羨張季鷹生前一盃酒
不用區區身後名
口不挂是非心不挂榮辱
階前春至生青苔
堂上更長剪紅燭
行路難君知否
日月經天東復西
人生得意須回首

採荷調

渚月清可憐
湖風涼不禁
蓮花比妾面
蓮子比儂心

音調輕清

美渠試風
海棠着雨

江皋曲
即舟往江壯儂舟往江東雙帆相並過只是隔芙蓉

万花春各
色色可入

春江行
春水綠如染白石何磷磷歡舟杳然去江花空映人
映水曲

王釵敲斷
鳳凰頭

明月照板橋美人橋上坐風吹淥水搖忽訝金釵墮
登樓曲

登樓望河漢香霧空氤氳蛛絲作新月龍笛吹長
雲三卷尾

日孝集卷之四

東海屠隆長卿著

五言古詩

感懷十首

天地何沈寥俯仰一長嘒齊州不足步豈欲出四
海老子涉流沙去太幾千載何當往後之庶幾凌
奕塏

闡葺升青雲賢豪困塗泥所以賈大夫忼慨弔湘
纍人事不足論天意亦胡為豕欲叩九閔虎豹當

石鼓景鍾
重丁鎮國

格調風唐

關帝

輕法飄逸
觀心賞心

魏侯愛聽鄭齊王好吹竽等瑟聲難諧鄭雅調亦
殊古初不可作落落悲所如安得知音者與之鼓

黃虞

曠望三神山僊人白玉堂海風吹桂壺洞門瑤艸
長永訣往從之波濤日茫茫彷彿安期生惜哉川

無梁

魯連輕疾王萬乘忽若失功成乃拂衣東去觀溟
渤對珪寧肯分斯理坐超忽懷哉高士屈我譎激

琳龍
千古絕調

白日

隨珠彈鳥雀失雀亦亡珠釣者垂弱絲累累貫大
魚偃師為木偶丈人灌園蔬安能齊巧拙物性固
有殊

有感慨意

王孫挾金丸都尉寵新聲莽矣平津侯顛顛轅固
生支離復癰腫何以空物情所以漁丈人咄嗒歎

歌醒

我有千金劍在無雷煥知塵埋挂空壁補履不如
錐夜宿風雨鳴岩時鬼神啼鉛刀正高售持以將

昔有二神
劍一埋豐
城欲中適
逢雷發張
華得之

何之

悲世之語

王風久沉冥西日匿景光結交重市道江漢流湯
湯富貴乃稱賢貧賤非所城安能學彈鋏空谷以
自蔽

此詩有重
豪俠而亦
富貴意

荆卿譎易水俠氣干白虹相如睨秦庭函谷生雄
風燕趙多烈士千載激頽庸齷齪金張家區區誇
鼎鐘

雜感六首

達人宜萬物儵然貴清真抗志青雲端日夕行殊

一段清真

是安能自汨淩齷齪隨風塵末世不可託豕歆歆
無垠

声响天籟

古來重俠客意氣陵焮濤浩蕩六君子交結五陵
豪駿馬躡飛電清霜明寶刀白日醉都市搥鼓擊
雲璈搥碎胡姬肆殺人如芟蒿一言重然諾千金
輕鴻毛俠骨重泉下轟轟氣猶高撲邀嗟小儒終
然縛天駁踟躕橫一經兀兀徒為勞

天地何廓落白日照杲杲男兒見貴放志遐征極幽
討西窮崑崙源東上蓬萊島奈何坐空山五見凋

秋艸曉起覽明鏡朱顏忽以老寒足苦不展茫茫
夢遠道

一自混沌鑿聖伏神亦徂棄瓢事不復抱甕計已
踈世路多嶮巖大道或推車寒予翫饜人睢盱未
能除非受老氏術而當誰與厓

吹萬自不同物性多齟齬鳳凰者琅玕鳥鳶跡腐
鼠黃鵠翔高雲矯矯本無侶鶯斯枋榆間亦乃矜
毛羽小大何足云胡蝶乃相相

輕薄誰家子風采何翩翩挾弹出章臺賣珠入長

以鳳凰黃
鵠比達士
而以鳥鳶
養斯比小
人有慨世
意

安于把珊瑚玦頭戴鷓鴣冠身騎紫駟馬足踏黃
金鞍嫣然向人笑能得世人憐沽酒朱樓上高誦
大略邈朝後博徒飲莫向娼家眠行樂度年光詩
書不足觀心賤楊子雲守拙草太玄容華一朝改
顛顛蓬蒿間

遠遊

大道合混沌無為超芻蕘元氣相融結廓開為玄
黃道出埜北外二儀亦微茫白日彈丸大黃河水
帶長萬物在天地何異紛糝糠而我分一形醮醜

白日黃河
照驚入語

彭是彭祖之壽殤是短壽用字眼新

集看睚萬期亦須史無論彭與殤而豕百年內儵
忽閃電允柰何據才壤奔走日踉蹌零露落莫州
鬢髮為蒼蒼我欲騎六氣龍輶挾高翔清言入杏
真列僊同尚羊朝憇空同上莫宿哀崙旁濯足臨
華池晞髮坐扶藜有昔登清都紅雲拱玉皇日月
足下交大地浮中央庶幾隣泰初天稔永無戕

伍員廟

剛腸俠骨軼形詩篇

伍相忼慨士重羨輕其軀壯哉白日心皎皎當不
渝解劍豈徒爾投金表區區入郢已覆楚浮江終

報吳感激千載下永為壯士模

南霽雲

桓桓南將軍徵兵下泗州城上黃雲起睢水寒不
流斷指驚塵客西風厲高秋賀蘭竟何人端居擁

貔

觀穫

綠野收千頃黃雲偏四垂老人歌拾穗童子學烹
葵落日照茅屋牛羊眠短籬江南多富人倉困何
纍纍苦樂不可問傷哉貧家兒經年事耕種辛苦

言辭鏗鏘

桓桓武貌

先點田家光景後說田家艱難體裁格調不減大唐

日華集 卷之四 五
當為誰富家長夜燕貧家無晨炊言念食者飽無
忘耕者饑

張大司馬惠芝園集寄謝

先生躬大雅制作參穹玄璠帛富錯綺落筆疑湧
泉雄名張四垂文光燭八埏高視凌當代却步交
符資片語落寰中萬古爭相傳秉心敬愛士贈我
瑤華篇長跪啓琅函讀之意翩翩如入羣王府衆
寶羅目前五丁扛龍文二酉發鴻秘恍作金石聲
昔有虹霓氣山靈為呵護海若竊窺跡吐哉支離

日獲黃金
千鎰不知
名公一言
長卿情見
詩矣

支離生屠

生把玩喜且驚竒觀易耳目異物令屏營饑腸飢
肉芝暘吻吸金莖塵心忽若失灑七神骨清無能
報瓊瑤但知感寵榮

與故人酌先大夫簡肅公墓下作

開尊延故人野酌一聚首黃葉掃更多碧苔坐來
久雲深鷄犬稀日落孤山空因嗟泉下人勉進盃
中酒

聞沈嘉則先生與汪長文遊四明洞天作

四明迥竒絕歎立東南州上與元氣合下見滄海

玲瓏鏗鏘
妙絕詩家

前二聯叙

四明洞天
已趣後數
聯叙二君
勝遊制
仙品

浮烟霞日莽互何人窮其幽二君策高足能為十
日遊白雲度千嶺青天開雙眸捫星帝座近得句
山靈愁倦來臥羅月海風吹蕭颯洞天闕瑤艸何
昔尋丹丘

東海吟四首

白雲紅樹
隔鄉關

島夷乘黃屋鼓角喧東方虜氣驕且勁我軍聲未
揚一戰海水動落日何蒼荒遊子聞鄉信道遠不
可詳念豕骨肉親沈憂結中腸思君大江濶江濶
川無梁舟粗渺何處歸心挂扶桑安得萬里風吹

情思委曲

訂景憶故
人淚潛上
青衫濕透

我歸故鄉願借青天雲載君來我傍君亦不得來
豕亦不得去淚下忽沾衣高樓日延佇
青山何合沓高雲自崔嵬大谷隱天日冥冥雲不
開不見江上草徒長山中苔山泉東走海海水不
西來江與新安合潮上嚴陵回安得到中山東浮
雙鯉至空有相思人那得相思字
青春來中山倏忽又朱夏夏日一何長六龍苦回
駕炎氣張天高朱光閃屋尾日長愁人心日莫復
愁夜宿靜衆山空明月照古榭踟躕立中庭仰見

唐人詩集

星河馮涼風生葛衣感豕清淚下
萬里白狼斷鯤人寇東垂黃塵揚海波海風吹大
旗上將出行邊留兵還守陴王師未乘勝遊子心
淒迷河聲奔喧騰髣髴聞鼓聲應有中閨人含情
夜夜啼

冬日道中

疾風吹大野萬木相號鳴青天一何高寒原曠以
平河水凍不流草枯層水生烟昏白日慘墓田紛
縱衡肩輿行蕭蕭虺隤馬毛輕僕夫手足戰言語

戰言軍足

無懼穀以茲涉歷苦感歎百憂并

懷太末諸所知

言念山中友意氣橫青冥相與託素心清言叩玄
高采秀向崑阿覽物臨空亭醉睨高天雲大呼驚
山靈颯颯林葉響蕭蕭獸虎聽別來秋水碧再見
春山青長嘯懷伊人悵焉感流萍

春日望海

春日不自樂遊目登高丘烟雲吞六合曠焉失九
州不知青天高但見大海流萬里天風來海對如

清言楚上
意味自濃

似烏衣巷
燕落香泥

深秋空波蕩白日鳥飛迥
亦愁諸島鬱相望遠近
虛中浮悵矣三神山彷彿
瑶艸幽

觀海篇

天地亦好奇咄嗟此何為
混茫一元氣翕沓爭淋漓
大物相竊弄端倪不可持
浩蕩簸箕極六合遠
相摧空水無根蒂懸流大荒東
周覽但決漭窅然
如鴻濛絕島隆卷石厯厯澹
空此物固善幻恣
肆當何窮一氣蒸萬物糾紛
錯彙中安知大海裏
而無金銀宮女媧斷鼇足
龍伯流壺嶠天吳不次

大雅遺音

窺上挾真宰叫余今覽此
意觀化厯要眇齊諧
志恠邠衍多大言誓將凌
海上白日行三山

夜宿海邊

雲房宿海壖海氣莽迴互
烟沙春天高波濤一何
巨萬木殼相悲不復辨
風雨餘響振長廊倘欲鳴
鐘簾微聞緩嘯哀陰崖破
鬼語舟人落夜帆海鳥
不敢舉天地設險壯山川
迤延阻孤城奠東極雄
關兀相拒耿介厲長劍寸
心生毛羽

愛妾易馬

大呂元音
不作錚
細響

素履淡粧
一段可人

美人易駿馬訣絕傷心肝紫鸞頰頰蝮看黯摧
殘主人恩已薄而豕猶悲酸又易豈不易別離良
獸難金絡非不好不如舊主鞍玉釵非不好不如
故所歡馬易舊鞍轡去為新人騎妾易舊衣裳衣
為新人姬含悽各入門淚下還雙垂努力事新人
情性安得知交易豈不好不如無離睽馬仍歸舊
主妾仍歸舊闈行各適所願維以求不遠長得奉
清塵出入有光輝

班婕妤好

絲扇指秋風零落在中路
翠裙長信宮鉛華不
御夜起看秋夕羅衣濕清露井頭梧葉飄
上流螢度宮中萬里遠君顏那可覩
春華及秋卉大運相更互榮華會衰歇
人情有新故故者不復新新者有昔故居
衰何足悲居寵何足妬君王不自陳
皇天奚以訴但恐君寵多桂樹易生蠹
我願踈蝮看君王萬年固

塞下曲十首

五月燕山雪胡風卷斷沙
闕支騎駿馬蹀躞顏如

色澤蒼勁

李白也

花秦關動象角漢女學琵琶將士臨河水彎弓待
月華

良人征戰處萬里但焦烟草短邊霜早天寒塞月
圓相思豈無夢妾是不曾眠那得雲間信魂銷落

雁前

征人赴征戰九月到臨洮
魂銷紫駟馬淚滿鬱金
袍鼓角秦川壯旌旗漢月高
王師今轉戰弓矢未

應索

秋色入高樓應同塞上秋
思君鉄衣冷織我金梭

蟬脫腐音

愁胡天莽難見葱河慘不流
惟有深閨夕照君邊

塞頭

風急凋弓勁匈奴今正驕
霧昏荒壘斷草白萬里
遙秋高邊氣肅野曠行人銷
壯士無慘顏長當為

雄梟

高蹄雙馬健明月照凋弓
紫氣來關右黃雲出塞
空將軍有神武戰士立奇功
漢闕開東第侯王取

次封

眴得征人書歷歷見懷抱
但愁虜不滅不憺朱顏

詞場干將

老丈夫守邊垂安得願情好生當萬戶侯死當埋沙艸

妾織至中夜弄杼不成章歌枕夢見君足踏胡地霜萬里邊城月相隨到空房淚洒珊瑚玦懷人木葉黃

平原空大漠千戟列荒營不見邊人語惟聞塞馬聲西風寒飈策霜氣入胡纓誰辨河邊骨年年春草生

漢武事邊功朱旗耀日紅調遣三輔豪徵發六郡

雄臨城黃屋動登臺瀚海空豈知深閨女含凄霜

月中

臨淮曉發

行邁一何早驅馬出部門馬足踐殘霜北風厉寒原岿方屬青陽褐衣苦不温側身望四際烟沙莽相屯落月白无色天星麗以繁山川曠蕭條霜露空艸根何人駟馬來疾如流泉奔但各東西馳不復交一言傷哉行路難逝矣勞心寬

徐州道中感懷

如泣如訴
一字一悲

此句駿爽
骨勁風清

壯征何遙遙客心何皇皇嚴冬始出門行行及青
陽歲月六云邁猶復走南方踪跡窮吳越稅駕於
維揚褰裳涉淮泗攬轡觀濠梁既道徐沛上乃經
鄒魯鄉豕勞當如何來馬亦玄黃西北多烈風天
地為荒荒離家日以遠憂思日以長結念在正樊
云胡事翱翔浮名會驅人駟馳殊未央多愁令人
老青絲化朝霜何肯復來歸願言歌滄浪

徐州謁三義廟

漢道管云季宮殿犁為田羣雄窺大物鬼域肆神

雄傑之氣
藻之詞
詩家妙品

姦昭烈吹炎火驅馳得兩賢一朝出肝膽白日照
重泉外託君臣契內如手足連人生苟合意金石
豈云堅忱慨赴國難死生靡相捐中原事百戰奮
義力相先所向無堅陣疋馬橫秋天霜高鼓聲烈
日落旗影懸二將虎嘯日先主龍興年大運有垂
迕精誠良所宣英雄去千葉市朝亦已遷徐方帝
佐牧廟食此山巔寒松覆碧瓦古殿生黃烟丹青
肅遺像大義儼周旋

初至長安作二首

策駟馬駕
高車昂上
若輕非過
臨功時

高鳥無卑栖跛鱉無遠程尺蠖處糞壤神龍遊太
清人生天地間小大各有營大人營四海小人謀
餘生舜禹勤黃屋姬孔勞萬靈廣心崇竑議垂此
千秋名奈何今之人曾不尊前經碌々競錐刃日
疲操竒羸踟躑百年內安知達者情

余本蓬蒿士栖遲東海隅洪波日春門青山當吾
庐讀書覽當世忼慨常歛歔微名達州里一朝赴
公車憶昔初出門雨雪方載途今我當來斯楊柳
拂河渠遊目望宮闕高門肅天居曉日開銅龍濟

自是襟芥
功名放心
物外意思

濟羣 趨只尺懷 至尊裴徊立路衢平生好竒
服情性莽自疎頗類東方生奏牘千萬餘聊以觀
人羣貴富非所需

遊子吟

簡而有体
嚴霜被長坂遊子依轉蓬一下慈母泪眷焉念其
躬征衣手自製絲縷何重重絳多向北方可以禦
寒風

三司馬詩 并引

僕少擅詞藻長負不羈名與窮俱才為妒

媒席門蓬蒼髮然不來歎荷張大司馬范
 以司馬家司馬三公深相知昔時游揚僕
 以不大汶汶比居都下追感疇昔怒焉興
 懷作三司馬詩

張大司馬公

天地豈不大滄海豈不深達哉曠士懷高風夙所
 欽壯夫重片言寧顧千黃金悵焉懷伊人忼慨彈
 鳴琴大羨激肝腸淚下安能禁撫劍一以嘯壯風
 振長林玄雲黯不流白日為我陰荆卿西入關七

音調如大
 呂元音律
 裁知商象
 周鼎而俠
 長自在眉
 睫間

族先為湛精氣感白虹易水發哀音丈夫何所貴
 所貴相知心

范少司馬公

巨鱗須洪波勁羽須烈風自非建大楫詎發萬石
 鐘士不附青雲零落在枯蓬懷哉千金駿委彼大
 道中不逢穆天子行遇司馬公司馬一以勝颯颯
 凌秋空不然垂兩耳悅與凡馬同所以重知己古
 人刺深衷念此多涕泗忼慨以悲恫

家司馬

沉雄慷慨
 之氣悽愴
 悲悃之詞

太史公集
卷之四

余少富才藻恂恂雅儒生長乃好奇節任俠里中
行放意出六合萬物皆蚊蚋忼慨赴急難一身窳
所營泰山重然諾蟬翼千金輕秉心慕季布希此
梁楚聲聞畧從窘步世路反不平舉世多皮相夫
君觀八紘大江亦東注白日亦西傾黃河化衣帶
寧復移此生感來念疇昔怒焉百慮并端居懷古
人仰天思縱衡詎令千載下管鮑歌知名

都下懷海上諸故人

海曲多奇士一肯何駉駉爭探驪龍珠皆言涉玄
津廉藻耀白日容華當青春洵美絕代姿豔舞邯
鄲人挾棊理清曲一一妙入神揚蜎各自媚含意
還具陳相好不相妒綢繆兔絲親余管從夫君今
也遊朔方群雁遵南渚一鴻獸壯翔北地寒氣早
八月草木黃長鳴向晨風卑栖凌朝霜天路一何
遠眷焉念同行豈無雲霄翼差池與頡頏新知雖
足樂故人安可忘夢衣燈燭短悲來關山長起視
河漢水中宵以彷徨

留別張太史

寫懷想之
情鏗鏘玲瓏

鴻雁東南翔
數鳴沙汀野
曠天氣高
白露淒以零
烈風卷蓬根
水葉下遙垆
中宵不能寐
徒倚臨前進
天漢波舒光
寒星一何青
蟋蟀啼豕牀
如聞在凶檀
微情似有訴
唧唧誰為聽
鬱然念良友
踟躕不能寧
浮雲即長路
飄轉各所經
離別在須臾
膏車為我停
命酒一斟酌
且醉不願醒
故人涕相向
翻飛惻原鵠
簪賢多吏隱
地僻可沉寘
回顧平生驩
朱絃泣泠泠
努力在霄漢
無勞念浮萍

戀故人
意

訓于子冲

如江漢之
遊女信倭
矣殊矣而
不可求

李君表東海
泱泱高大風
激昂青雲上
睥睨時為空
如登中天臺
手撞萬石鐘
衆籟闕不發
餘氣吹鴻濛
斯人一以逝
高言落區中
矯矯濟南生
策足步其蹤
大雅有屬和
力賈前人雄
駕言呼群侶
芻蕘紛相從
蹇余操薄技
同奏明炎宮
昔窮寘遇合
朱顏隨秋蓬
短袖不善舞
蛭看難為工
同憐亦同病
與君啟始終
不羞盛粉澤
轉為知己容
寒節秋香卷
為范使君母
夫人王題
霜霰妻以零
歲晏群芳折
寒鳥栖枯葉
風葉鳴相

如謹誓畫
馬神色通
直當有木
衣人叩門

切女貞舍孤青華徒厲窮節吾欽范母賢執節一
 何都二儀黯不訖夫子蚤見徂形存而神亡朱顏
 為之枯亡者後地下存者收遺孤下有黃口孺上
 有白髮姑家運悲不造薪水憂中厨螻蛄竊鎧影
 鬼狐號室隅一身當諸艱抗志矯天衢九死良不
 惜其他安足吁紡織常中夜甘齋視其荼皇天閱
 貞亮居然見充閭嗟嗟范使君揚聲霄漢裡三載
 居東吳名實鬱然起 天王下璽書殷殷勞賢理
 司封覃寵靈恩光及蒿里夫人出一百憂陽和生歲

寒幸不蔑范氏榮貴非所歡青棠蒺藜林莽白日照
 門闌佳名在彤管永為後世觀

送陳子有遊金陵

孟秋商節至微雨澄疎桐日氣歟江部神飈蕩遠
 空暮色一何澹池上吹涼風美人來告別置酒高
 堂中為君歌白苧送子以飛鴻明發秣陵路曲渚
 秋花紅揚袂長千里鳴鞭版橋東盈盈霄漢裡意
 氣當誰雄

贈遲茂弘孝廉

有汪洋千
頃之度

美春出綠
波太陽升
朝霞

之子一何秀
楚楚青雲姿
抗志在大業
天路以為期
捉筆吐高言
文采鬱離離
矯彼應龍翼
雲鴻刷良不移
愧無朱雲易
亦自解人頤
談天復何益
雖良不足師
况乃奉奔奔
何以為爾禩
日月颺以疾
飛揚在及昔
勿令歲華改
玄鬢忽以絲
努力畚竹素慰豕長渴
饑

尋二陸先生墓二首

晉賢公千載
古墓夷蒙茸
江皋阻脩曠
尋原不可窮

爾來去
教落紅

窮神颺蕩高
木鶴唳秋山
空石門莽陰
翳藤蘿貫幽宮
生時遊京洛
死沒蓬蒿中
大運遘相滅
疇能免英雄
麗藻耀白日
藪藪寒梨紅
伊人感深眷
歎息起悲風

光潤必卿
特掀風采

天矯吳中秀
少年登九閭
雄姿颯殊電
才名煥崩奔
身佩將軍印
口吐鉅儒言
時危大旗折
運去烈士冤
精竟變天地
日莫風沙昏
美好不祥器
斯理安可論
布衣亦足樂
胡然戀華軒
千秋萬歲後
徒勞問荒原

聞莫廷韓諸君山中尋梅有作

故人集朋好駕言登余丘尋梅窮山阿選勝沿長
流碑磔進美酒佳嬰奏名謳回芳動大谷鳥語條
風柔遺榮在蘿薜人理超天游詒書遠相詫此樂
願千秋豕獨嬰世網珪組如幽囚人生逝飛電胡
為牽百憂長歌咏招隱良友可與謀

正如遠來
程州不與
百卉爭研

發穎上

仲冬發穎陽驅車城東隅父老擁馬首兒童遮路
衢掩袂不可視悵焉增鬱討紆宵征蒙霧露行行復

鳴鐘浮響
光燈吐輝

踟躕嗟豕本薄夫見寬於長老明智慙不逮
母為巧區區抱微誠久乃相昵好无事安鄙樸垂
簾訟遮空黃鷄少濁酒交飯供村翁偶坐棄封下
起行田野中忽聞天書降咫尺將分鬱欲留計
不可欲行心妻其君子念大羨小人重別離去
日回首愁絕長河湄

懷穎中父老

伊余縮尺符稅駕於穎陽父老安余拙眷烏理農
棄一朝奉奔奔去國如懷鄉黃稚向余泣慘怛令

為懷想之
情存嗷嗷
之念音韻

鍾詩壇
赤幟

人傷清晨發下蔡薄莫宿濠梁馬蹄躡冰雪雙鬢
侵寒霜憶昔居樂土歲月殊未央徒步親畚耒鄉
人饋壺漿意合網自疎情深迹乃忘倏忽人事改
膏車空彷徨在昔問痛癢一別安可量感此歲三
歎沉思結中腸

泛泖

泛舟涉長湖日暮登艦眺平沙既漭漭羣山復奔
峭陁絕大地陰水空天影倒谿舂太谷摧風挾孤
雲叫黯淡精靈赴潭光廓深突川鳥帶烟蕪品洞

寫景模情
極風人之
致

入飛潦浮屠挿虛室崔嵬折磴道雖與人境通無
復囂塵到沉默想化機觀空測要眇寐與道謀
斯理良不謬

詠史六首

達人營四海心與元化冥應龍為畫地玄女解撰
經精誠公大道至德通神靈異哉灌壇令禁雨驅
風靈英姿照白日高標薄千齡

磊落魏公子氣義高秋旻盛受萬乘怒不為博徒
嗔軒車走四海願感大梁塵鰲眉至死報况乃英

唾咳珠璣
陸離可愛

俠氣翻
霄漢在其

足下

俠氣剛腸
雄視千古

豪人慘淡登君墓雪涕披荆榛寥寥千載下歎息
當誰陳

荆平宣荒淫子胥道奔亡婉孌擊絮子忼慨下壺
漿伍子戒其口對面輸肝腸玉骨沉清瀨俠氣明
秋霜自非平生驩片言心所當溪毛如可薦哀哀
淚盈觴

海鳥悲太牢罽羅畏冥鴻願栖壙垠野遊戲行春
空魯連蹈滄海幼安客遼東方寸生磊塊五嶽隱
心曾憂樂不挂齒滅跡烟霧中養德保性命儵然

仰玄風

長安賣珠
兒不受冊
鉛自往自
未識者賞
心

昔從先君子論文接高燕驩娛不可常光景駭流
電高墳掩山阿上有藤蘿骨所以古達者玄情託
沉酒有酒足全真身名詎須羨明珠買麗人黃金
餘釵鈿歌舞未盡非昔人今不見

赤城霞起
而建標
布飛流而
界道

吾慕張子房棄侯升清都吾慕鳴夷子功成浮五
湖虛無寄浪跡山川留雄圖大人抱龍德神動而
天俱玄同等萬物神明宅內腴但隨松栢隱不作
葦若枯丹萸良可掇玉泉手自斟日出觀滄海高

嘯泰山隅

李伯達

伯達元美甥也

江東多名士虹霓挾斑管握手起斥言微名共推
挽酒銷白日溪歌長浮雲緩李君最後至一見嗟
何晚新詩把相示入室烟霞滿王即宅相親璫
迥依人舅氏既如此賢甥復軼塵海客不自量論
交非所倫忘形去苛禮拙劣任清真

春日郊行

推懷鬱不暢坐苦塵事喧駕言履阡陌紆徐行山

有上村早
春莖百
轉之致

樊旭日照長麓和風散青原麥秀雉雉衆草萋
以繁倦息嘉釡下諦聽野老言暫得愜幽賞水石
清心蒐羣動多所汨彌知靜者尊神超想迺絕智
黜合冥昏逝將舍嬰網入彼無窮門

閒居

閒居感節序彌襟抱幽情陰崖寒水坼陽谷條風
輕野芳紛可擷灌木咸敷榮嘉魴泳碧沼黃鳥交
交鳴東皋一以眺山閣朝曦明當春萬物悅而我
含凄清微名忽自哂涉世乃多營平生眷蘿薜誤

神思仙
胸襟不
煙火

為珪組嬰青雲不相假白髮紛已盈終媿陵陽子
鍊烝餐雲英

與開之夜坐

微雲向夕歛朗月鑑華軒虛室蕝幽籟佳人吐玄
言沉冥意都寐噌吰跡類喧回芳成野趣陶然舍
山尊開簾散高炬池空星不昏仰視天漢影挂在
城西門吾子登寡廊余亦想崑崙無嗟形骸隔爾
欣道義敢相期遊汗漫時俗詎堪論

晨起讀書作

晨起覺蕭曠天光湛虛明水空遠烟滅高閣會孤
清微風動綠篠娟娟媚前楹城隅日初照花上露
猶盈犬出長林臥鳥來嘉壺鳴更續喜未至暫免
終垢纓讀書悟玄理端居見深情仰觀白雲流俯
覽丹雘榮萬物各有造我胡勞其生俗累迫頗遣
中心澹无營蒙莊洵可則沉默以韜精

登天馬山

登高望吳會送目於朝陽空樓出煙霧大湖漫蒼
茫紅泉瀉崑穴綠草緣脩岡溪明遊魚出竹暗啼

孤高之度
深婉之思

全輝玉潤
可愛可傳

含情寫景
在在嫣然
仙品

鳥藏獨行冥傳侶心清情境忘酌醴烹野葵逍遙
步雲房水風動高韵山花透幽香延賞不能去年
華感盈觴春陽不一睇倏忽零秋霜

於青溪思虎丘洞連諸名山作

虎丘竦竒秀洞連壑洪波苔痕食寶劍嵐氣堆青
螺空池映疎竹浮雲宿崑阿中有幽棲士倚壺吟
漣娑秋兔飲寒澗春猿挂長蘿人來松逕少花落
石牀多燦地迥遐絕天馬鬱嵯峨茲山日在望只
天安能過非不抱微尚其如塵累何興詞起三嘆

青標絕俗
芳韻襲人
貌姑射之
侍在人寰
應不多得

高咏歸山河

仲春田家作

去年苦積潦湯衍稽三吳陽侯行鉅野魚鱉弄長
衢隴畝不復辨井徑荒為墟野人乘枯槎老婦啼
空庐官吏仰蒼天替穎拜且呼水深沒至脛草履
行沉塗今春復陰雨田家困沮洳竈下產水藻田
中出河魚飢傷紛滿眼涕淚盈江湖壺食非至仁
鬻桑多餓夫心誠恥納溝智詎周向隅五斗難為
顏百室良足吁皇天無乃甚小臣徒區區

猶寫苦潦
精狀大如
滴子園晉
陽時

懷唐少部惟良

北部踔天矯弱冠有加声含香摘盛藻為宰聞神
明氣與秋雲杳心將道義并問曹不称意漂泊復
何情觀濤良已遠閱去窻所營沉碑計六左達者
超上清富貴尚不賴何論身後名

質雅中不
之風涼

五柳庄詩贈呂泰與心文先生

矯彭澤令折腰耻替郵挂冠五十月風斯厉千秋懷
哉丘中眷永謝人間憂高柳鳴玄蟬清露盈蘭疇何
人共斗酒日夕相綢繆斯情難即珪組為君蓋

由拳集卷之五

東海屠隆長卿 著

五言古詩

雜懷八首

鷓鴣日飛飛遊戲蘭茗中黃鵠鼓大翼一舉凌煙
空朝遊崑崙巔莫宿扶桑東策名在及昔登高呼
順風運去龍蛇然峯來牧豕封悲哉問閭士皓首
沒枯蓬

有感慨悲
傷之意

雅音久絕響淫哇日嘈嘈黃鍾昔一鳴眾人目為

句蒼調逸

如倩女臨
池不在多
言而芳韻
襲人

妖巖霜被青桂鳳凰依陵若百鳥傷其類哀鳴
嗷嗷相失萬里外道遠增煩勞安得垂天翼
銜汝歸故巢

仲冬涉淮水千里莽無色沙飛原阪長雲起
閔河黑日暮懷佳人沉慮及永夕不辭風塵苦
所嗟道里隔采芝山雪深欲寄何由得

晚步長洲上遙望吳王宮吳王歌舞罷西施粉黛
空古墓生白揚高臺餘青楓天寒狐狸出日落寒
花紅繁華此長畢三歎來悲風

海天濤照

脩原亘長城城上臨高臺微茫見古壘萬里風沙
開秦漢多雄圖猛士紛如雷寶刀亂白日驅馬胡
兵衮只今戰場上離離生蒿萊皇天莽無情英雄
化為灰

氣象軒翔

黃霸為潁川寬和親士民人皆事鷹虎尔獨懷至
仁吏治高漢庭千載思陽春驅車登秋原潁水清
磷磷高風既綿邈末世欽斯人

出金石声

豕有金石爰青雲鬱嵯峨恍慨慕荆高文章折陰
何大羨申皦日長風激頽波緩步登玉墀光采生

鳴珂片言苟不合拂衣歸崑阿黃鵠橫四海安能
傷雲羅

咎豕居長安冠蓋從我遊重門夾茂對堂上羅珍
羞結交青雲士一一鳴天球詞藻懸秋河氣羨橫
高丘肉食豈足道榮名期千秋良肯不再得惜哉
風馬牛一讀浮萍篇嘆息安能休

於青浦懷鄉曲故人

結髮栖海曲生事在漁釣故人多布衣日夕同驩
咲布衣捐禮法行行隨所適片帆江址址斗酒城

王儲金鋪
是建章宮

中景色

南陌海水流泱泱此樂不可常故人一以別漂泊
經三霜憂勞日相煎萬事空蒼茫懷人復感舊涕
泗沾衣裳

感懷詩五十五首 有序

余以固陋執鞭海內貧家人新故繫感存歿興
懷率然有作匪敢揅抒藻麗馳騁秣林中情所
宣聊寫款款今天下豈不多貧其未獲從遊非
鄙情所鍾者不敢湯及君子亮其心焉

張司馬惟靜

感慨悲傷
令人位下
沾襟

司馬余鮑炆少小街知遇交情矢靡他黃河日東
注哲人一以逝悲風起大壺撫焉破絲桐孤調不
成趨忠信如可享天地存中懷

家少司馬國望

吾家老阿咸沉幾復倜儻大道合自然神智祝天
壤余本嶽崎人支離及鞅掌昌歎夙所嗜神駿認
見賞知豕今已矣嘆息悲俯仰

范少司馬堯卿

司空雅博物妙識通人倫一辨斗間氣寶劍出灰

調語美上

塵馬向伯樂鳴士為知己伸樂奏東山伎門多壯
海賓魚龍夜洩瀟大湖水粼粼鼓名詎一旦光彩
暎千春

王廷尉元美

矯矯王伯子弱冠早登壇高華秀山嶽兀立青雲
端乘昔奮鉅跡才子復尊官榮名萬期在生有千
日驩揚旌鼓六合長風激波瀾不測陰陽謝但知
滄海寬多士歸如雲永為來者觀

沈山人嘉則

畫慶朝野

三孝集 卷之五
嶽嵒部有道高象表薄俗名理落區中清風散六
幕揚帆涉洪波倚杖嘯崑谷龍性空天雲閒情擾
麋鹿一睹紫芝顏三嘆令人伏

陳大叅玉卮

觀察西土夙蚤譽鬱壘何神清嶽峯雪文濯錦江
波折節推白屋英賢盡張羅題書先下吏辭氣何
雖稊休休啟曠度仰德泰山阿

余孝蕪君房

君房富才情言語妙天下既分揚馬曹復策黃

駕抗志秋天雲名貴璠璣價人理悟柔澹窮通安
足宅兀坐思良爻高風薄芳榭

顧觀察益卿

顧公何落落乃是人中英高象挂北斗闌茸耻生
平文故英雄色武可當千城唾壺擊忼慨長吟叢
旬旬執鞭倘相許願附青雲名

包主簿明臣

包簿珪璋士一官不挂齒談詩傲人羣為漁依海
滋酒德良可頌彈棊得玄理居閒自灌園興至道

風致甚佳

音韻辨

秀色可餐

白卷集

卷之五

五

然喜海客久忘機悲哉夸毗子

王太學百穀

把臂交昔貧王君何嶷嶷既窮三耳辯復推五版
角人巧奪天工綺績紛相錯伸紙吐妙辭一一夫
容萼早挂世上名晚眷立中樂斯人真吾徒遺容
賁林壑

玉紫水清

李處士賓父

處士逸人世挹拙營蕭皋呼童釀美酒開軒讀離
騷佳賓爛已盈膾鯉復烹羔長歌滄浪曲日莫然

蘭膏出門遠燕咲念子徒心勞

沈比部箕仲

大雅振空谷頡頏青雲姿芳州被長坂崇蘭蕙華
蕤佳期結綢繆金石良不移遭昔耀至寶韜精乃

粘響輕清
大雅不群

吾師

張觀察助甫

上蔡有佳人榮華曜皦日三歎發泠泠朱絃鼓瑤
瑟束髮蚤登朝音稱琬琰質論交半海內秀句盈
緗帙素徒神交何昔一促鄰

黎叔書惟敬

賀監推宿儒文章傾上都垂老為黃冠乞身歸鑑湖春蕙冒長谷烟光秀菰蒲秘書千載下高風邈焉孤文雅既已類出處良不殊

王觀察敬美

吳士多如雲二陸千年秀王家雙玉壺誰先復誰後龍藏測海深鳥下知林茂一栖當兩雄六合莽相鬪才氣故跌宕純白亦已守

沈太史肩吾

吾欽沈太史高旻刷威鳳清德邁隨光才華標屈宋伏謁承明廬天廟奏歌頌大雅發鴻響談言亦微中文章苟遇合嚆省將安用

歐博士禎伯

博士起南海珊瑚照若水摘英爛春華居然守其璞蚤歲遊上都日莫返初服啟羨重交情題詩遠相勗微吟託涼風胡能繼芳躅

沈太史君典

休文擅麗藻文章並金石已抗青雲姿故有煙霞

大雅賞音

春花秋月

癖近得静者言力謝區中客夜檻石瀨鳴午窓山
翠澹偃仰得天倪當門長薜薜一讀養生篇紛拏
日以息

周民部元孚

荆門佳山川楚澤多蘭蕙夫君挺瓌秀才致何開
美立言駕千穩廣心營四海碩此蒼茫下獸立而
忼慨經年不寄書械情欲誰待

孫吏部文融

越絕天下表萬國開禹甸人文亦代有離奇映竹

滿酒英芬

箭有美琳球士曠世乃一見好古蒐玄夷英辭露
春電質羨亮所敦浮華詎須羨一訓河漢章三度
零霜霰

莫文學廷韓

莫生雲間雋才華霏玉屑上書不見收歸來美雲
月天放此人閒吾曹苦蹶躓考鼓彈哀箏歌動海
水咽賢者伏草莽中心悵如結

于澤州子冲

于子洵卓犖束髮著英聲自言御李君嘯咤主齊

蹶音別躓
音世旅行
貌

盟青天捫日觀海氣朗晶熒一麾導澤潞五馬榮
專城既悟玄同理遂抒拯物情竹素如可託千爍
遺嘉名

徐袁州茂吳

茂吳秀楚楚南國稱琳琅策足據天目涉江擊芬
芳耽文如渴饑好士輸肝腸薊門一傾握壘路各
徊翔伍翁向時人泥沙在衣裳石門長瑤州風吹
雕胡香終當謝羈鞅卜築西湖旁

馮吉士開之

友誼交情
墳麓不足
喻直和膠
漆不足喻
其堅

鐘鳴蜀山應磁石乃引針方諸隨明月遊魚答鳴
琴萬物各有合何況相知心之子非夙契泠然操
南音結交片語下把臂欣入林吹篴不足喻投醪
意何深願君啟終始高嘯南山岑

孫太史以德

天上来歲星二十起明經臚傳奏第一白鵠矯亭
亭太史占卿雲五色敷殿遲公卿咸咨嗟 至尊
覃寵靈天球陳東序圖書列西極妙歲而朱顏黃
髮垂典刑託交希末允佇立仰青冥

秦篆漢刻
古色蒼々

由卷集
卷之五

張明府孺毅

公子天下士負氣兀凌兢結交多大俠四海喻雲
蒸千金散貧士斗酒會良勿然諾聞梁楚高羨附
信陵晚乃事實宋閉關息崩騰彭澤賦荆軻嗒然
豈無能英雄卒恬澹千載人嗟稱

塔音希

陶比部楸中

比部抱竒質落落會稽材崇岡面俯竹紆徐石帆
閑著書藏禹穴流觴曲水隈含香白雲署載酒黃
金臺懷人千里外習習清風來

甘侍御應溥

不着色相
清遠可掬

侍御古人心行羨何晶晶玄晏夙嗜學百氏恣冥
討理超象數外含英振蕩藻一冠惠文冠風稜絕
霞表黃流須玉璫貞良為國寶事了歸名山相期
拾瑤草

李臨淮惟寅

英絕艷質
爛然奪目

李侯抗高志湛實淨英華玄風扇六合清標映孤
霞佩服如儒生名章爛天葩折節賢豪人俠烈魯
朱家信陵稱好士魏其詎足誇置酒鎔瑤席衆賓

日春集

卷之五

成清嘉奏技呈角觝徵歌掩渝巴故驩不可再長
令遊子嗟

唐比部惟良

惟良寡廓士熙朝寶琳琅作令稱神君讀法飾文
章孤貞鮮諧俗四十猶為郎一官甘拓落意氣盛
推藏單車出舊部萬姓遮路旁兒童拜馬首父老
進壺漿文執足不朽疇為傳循良

姚吉士于芝

南粵多奇產海氣莽鬱盤翡翠鳴若華珊瑚映木
難鮫人水綃濕龍女夜珠寒晞暉日南子才華秀
鵝鸞一想枕柳樹幽栖邃巖巒緬遐想君卿南望
涕泗瀾

瞿孝廉睿夫

瞿生余故人一見相歎咤煩寃類屈平才氣亦相
亞美玉玷青蠅不損連城價一當嘉石評遂遇金
鷄赦風雲大難夷日月空名挂沅湘歸采蘭浩蕩
荆門下

高博士升伯

吉出金石
韻協宮商

被金屋玉
佩之寶者

山學集 一ノ卷之五
升伯吾黨中標韵何脩然雅志耆墳典澹泊守太
玄積薪亦良可薄宦寒不前諸公盡臺省廣文獨
青檀芳豉露滑滑芸惚手一編閱窺象數外靜想
羲皇年晤對清心菟冲襟疇與宣

楊編脩公亮

楚楚名家子澄潭映秋空文章為國瑞質行有門
風致身青雲上逸氣凌星虹朝視明允草宵聞未
大鐘申章酬明主無復嗟飄蓬

顧檢討實甫

涉江采江蘿登山擷蘭蕙金盞談奇枝玉禾吐嘉
穗早火秀良見珍讀書窺中秘獻納萬乘前述位千
秋事宋玉本麗才雄也多奇字一得當姬姜但馬
媿蕉萃

陸編脩敬承

陸子機雲傳浩筆詫鋒穎結髮侍金華長轡後茲
騁秉心自塞淵稊光合溟濔大隱在朝市溟娑玩
人境萬物猶螺贏儵忽迅流景悠悠達生人高韵
日延頸

丁郡理右武

丁生爾咄咄意氣凌太空
伊憂取通顯之人寧固
窮兩邈騁康衢馭娑一何雄
古羨深响嘯大道登
崆同努力挽逝波激矢當衝風
磊落壯士肝終然
趙頹庸

汪太學長文

微抱託天壤論交得汪君
少習史摛蹟頗工鐘鼎
文辟性耽名山鱗然遺世氛
十一居城市十九臥
煙雲松風吹大壑披之心所欣
自遠薜蘿眷日想

慶曆三
格詞

猿鶴群汨汨塵囂裡斯人揚清芬

沈檢討茂仁

力田貴逢年順風揚芳蓀
平津晚見收太傅蚤騰
騫朝為白石歌莫立金馬門
作賦文已顯遭昔道
乃尊癰腫道旁子罄折安足言

方孝廉衆父

衆父本秀穎古色何蒼然
文出之罌上詩宗大律
前六英紛並奏五色以相宣
日夕豈不壽金石豈
不堅榮名在振藻諸子何連翩

李皇口

貌
日欲出

袁太學非之

非之栖余丘崑穴耽幽竒朝暎朗石門夕流駛迴
溪春對楚如薺百草紛以萋崇岡莽相矚松風颯
可披綴文鬱佳麗古心超希夷兀然蓬茨下賢叢
乃四馳吾曹多益浪如君足砥規

徐太學益孺

彼羨婉孌者抗志慕鴻鈺不讀後代書不作今人
語擗管抽玄思自識良工苦伊余本無竒數問窮
覩縷天地有知音朱絃為君拊意氣一何雄顏色

無乃媿交洽羨彌故勉旃亮所處

桂博士舊盈

博士何為者一官真跌宕大才落五石胡然泝
續貧賤寔駘君歲晏風波上梁鴻歌五噫元舛悲
骭龔耿介夙所持雲空視湊潏崩維耻向人青山
自無恙

陳孝廉子有

聖世挺群喆大雅揚洪音陳生舉玉趾軒然涉詞
林風霜挾隻字天地為蕭森瑤葉辱投贈把視雙

也
極音武羨

古色蒼上
映人面目

南金竭來詫得僑願言懷素心

彭文學欽之

吾道有大雅彬彬庶文質尼父啟四科顏閔稱入室所以莠李花不如菴李實恂恂青衿子冲養穆以沕會章乃敷華脩詞一何蔚黃流貯瓦缶賢士處蓬華蹈道秉亮節洋洋漱清泌

沈虞部少卿

余管居長安折節交良友君從吳江來一見情款厚嬾謁五侯門罄折恥奔走塵埃積滂漉空刺亦

俊調似弱柳風迎風

大鍾大呂之音不作

嘈雜七聲

何有委命於浮沉此物非力取開軒坐茂壺呼童集曹偶稱詩鼓鳴瑟取醉黃公酒為樂銷百憂陟絕遺氛垢天涯兩雪深三折都門柳感來念疇昔歲月良已久

張文學長興

豕愛張長興耽文尚玄素偃仰環堵問蓬蒿積滿戶蚤馳堅白辯晚識盈虛數故有丘樊期位詩託五慕朝從麋鹿遊夜結煙蘿寤擊石歌商頌颯颯飄風度被褐而懷玉瑟彼松上露

遺声布調卓尔不群

陸文學伯生

昔俗薄朱顏漂零歎夷允襄陽老布衣李白流夜
即近世有盧生會媿伏析揚高才多坎廩神理忌
文章糟糠嘗不厭薜荔裁衣裳生無一日驩名有
千秋香苟悟人世事五嶽堪尚羊

楊孝廉伯翼

伯翼儻莠才涉獵收群籍師心鑄文辭中含太古
色黃鵠下九州龍馱室八極跋扈人代間自號萬
夫敵睥睨風雲興回盼水霜拆遭之却遂巡聊為

一唱三嘆
有遺音

精裁南金
並價

一馮軾

吳徵君於嘉

吳生故清真雅抱耽寂歷二十美柔翰苑含神霧
色謀生一何踈委巷空四壁妻孥恒凄涼歌聲出
金石味道恥于人懷刺將安適崑穴可栖真何言
命與力

陳京兆伯符

京兆英妙年白晢皦日光南海珊瑚枝星拓遭霞
桑姿秀才亦儁文采苑虹梁於則故清真辭賦陵

芳韻如春
色爭榮

河陽讀書嗟早貴
執苑今翱翔熙朝
重珣璉致身理固當

柴文學仲初

余昔躬漁釣栖遲東海曲
爰有同袍友温温朗玄
玉嘗赴斗酒期採藥蒼崖麓
和歌峇冷風清音灑
空谷伊余辭故山世霧日紛逐
東風一解凍百州
萋以綠及道多蕭疎
中心愴慙恧

郁文學益野

郁生名下士相期垂一紀
翻然領邑符孳孳慙臥
理途掖忽在門降階輒倒屣
謦欬吐珠玑片語成
知己藜藿尔方貧肉食余自鄙
論心絀皮相伏櫪
思千里願託末乘先努力
敦終始

冢比部田未

翩翩佳公子清德絕瑕纈
好古真成癖詩書日晤
對堂上陳犧尊庭下產書帶
雅抱資達心不作昔
人態窻臨東海流門對南山
靄奉座無雜賓蘭茝
日堪佩吾欽此人賢水石
欣清瀨

李文孝之文

神情明暢
最癸心目

娥眉淡掃
姿態妖嬌

神清氣逸

之文後來雋詞林儼揚旌女夢與長松纏綿良所
嬰明信指白水送我渭陽情侯芭尊子雲惠施知
莊生一言苟擊節万事空瓶罌頤子策高足庶以
肅平生

曹山人予念

山人遺好爵栖遲老山樊悟得沉冥理長誦逍遙
言飲酒青首苔談詩白雲繁空林坐寐莫啼鳥昔
一喧終然營石室揮手凌寒原

五卷終

一種逸氣
真如凌霄

由拳集卷之六

東海屠隆長卿 著

七言古詩

東海高士歌

沈嘉則先生東海高士也以雅道倡東南名動
海內余恨未得識面蓋神交者十年所矣張大
司馬為置酒招置一見傾倒余覽其風度議論
真非常人讀其文令人神王先生亦深見器識
呼余似李白余則安能乃退而作歌

雲蒸霞蔚

玉敲金

驚人

天上神物高嶙峋光芒倒影凌星辰一朝墮地走
 蹙託形骸化為人化為人何昂藏顛骨稜層聳五
 嶽啖垂翁脊吞三湘雙眸炯炯照秋月兩腋翩翩
 挾大荒御風騎氣遊汗漫獨驂兩龍恣翱翔竭來
 東海瞰大壑大壑茫茫混窠廊三神之山立縹渺
 日月爭出相睡曜掀髯一嘯弄滄溟風卷白波氣
 噴薄或持大瓢酌海水手搖空綠潮欲涸醉來赤
 脚踏洪連睥睨海水如一勺豪情散髮驅長鯨竒
 句散落海若驚錦繡盤曾羅萬象宇宙入眼空羣

錦心繡口

歷塊風

英山川風月隨筆札元氣奔僕供使令上窮天象
 蒼旻任下搜地軸黃河傾於菟妖山吼欲裂其餘
 蚊蚋塗瓶罨一劍崩緜四海走逢人談笑揮卮酒
 酒酣耳熱生雄風作詩書字大如斗王侯將相爭
 識面海內才賢都握手曾克記室佐司馬不減劇
 孟從條侯司馬弓箴賓客散東芻千里泣高丘不
 獨文章傾南國義聲往往張九州嗟余不拜紫芝
 顏懷人夢寐徒十年僂兀咫尺隔林樾烟耶霧耶
 兩茫然司馬愛才為招聚一見把臂歡如故往來

共在天地裏何事當時不相遇

贈天台范文學汝東

吾聞天台之山幾百里青天倒挂窺海水興公賦
後增嶙峋望而不見勞心神劉郎採藥去不返長
松落落白日脫即今一遇天台生恍如石梁落雙
眼天台生何翩翩五雲秀色開洞天文章吐赤鳳
意氣凌紫烟把臂一笑俱茫然明朝訪爾天台路
我欲僊人石上眠

悼瀕海將士

仙風
道骨

西風所
錄

聽江声淚
染心宗

黑雲推海邊風號海昏日落煙沙高濁浪茫茫蹴
厚地橫奔石顛轟推靈鼉十萬樓船忽如紙蕩空觸
石顛不止大旗吹折寶刀沉同時六軍沒海水傷
心大將哭臨陣斷金笳絕鼓鼙身掩黃沙銷鐵
甲菟隨明月到春閨君不見胡人飲馬長城窟城
下多少英雄骨丈夫報國聲隆、扶桑日出光曠
曠生為壯士死為鬼雄何必老死蓬蒿中

元宵篇

天王御極今三載繡斧風流使君在手散陽穉遍

錦帳春宵
玉漏漫催

叙元宵景
致令晚者
賞也

大江江南正月春如海太平元夕在青陽銀漏遲
遲夜未央絳蠟風中吹不斷紅蓮火裡暗生香踈
星位戶天河近明月窺簾海色長管絃處處聲相
送清歌子夜毒花美六街塵起萬人來車馬踏城
城欲動傑閣朱樓大路平誰家妖麗不關情王孫
暎雪披宮錦少女如花坐玉笙王孫少女兩相怜
香粉叢中綵神聯壚頭醉客歌青鬢陌上遊人拾
翠鈿人間此夕復何夕莫遣東方聞曙色不知天
上疲何其應念嫦娥眠不得憺憺裊裊出行春

君
霓旌從若雲千家綺綉懸華屋一道灯光擁使

閨情二首

昨日別君楊柳濃今朝悵望櫻桃紅青驄去何在
只在平蕪外春風自煖妾自寒隣女相過掩淚看
日長草綠嬌黃蝶宛轉啼鶻隔花葉不能飛去喚
郎歸何用朝朝啼向妾
郎君憶妾妾不知妾憶郎君心獨悲黃昏點燈照
孤影白日當窓愁耿耿東隣夫婦如鴛鴦奈何妾

離眼起矣

楚雨巫雲
綠條打

獨守空房空房不可守月照飛蓬百夜來讀素書
愛惜如瓊玖誰家有女不懷春何物懷春不苦辛
蒼蘚無端生錦瑟落花何意點文裯

閨怨

妾貌如芙蓉二八猶未嫁睡起腰肢只自妍粧成
眉黛無人畫人言妾貌使君前聘妾金花雲錦箋
但聽人言好要非心所憐衆女疾嫌眉娥眉解生
妬妾貌非有移使君心不固還君錦箋聘且休與
君別自選風流浣紗西施石採桑南陌頭妾面粧

女无美惡
入宮凡妬
七无夫不
肯入朝見
嫉世情大
却如此

今羞白日玉顏空自老朱樓

李生行

李生長不滿七尺意氣不減古俠客腰懸七首截
雲霓手挽黃河挂霄臆西望太行東窺碣石一室
臥遊窮八極青袍雖是齊魯儒許身終佐高陽徒
春日風嘶紫叱撥寒天夜擁花墮能白眼看人只
長嘯風流舅氏頗同調落拓未逢天子呼昂藏且
放時人咲

述哀篇 代人作

崔音瞿
音疎魁
也

可氣
勳上

鴈声孤月
落江烟

食魚食河魴娶妻娶齊姜河魴猶可食齊姜不可
得好花落盡春風殘美人化去胭脂寒花落明年
又解開美人一去不復來苦調不成聲哀絃容易
絕空有餘香枕上存可惜朱顏鏡中滅春日晝陰
空閨子夜沉緣自生前斷息從死後深憶昔結
縞瑤瑟和笑語春風生綺羅五更愁易盡萬歲豈
云多共道姻緣天地老那知倏忽人歸早只在人
間二十秋以別竟成千古愁綵雲一瞬風吹去皎
月流光不肯住霞衣髮髻向丹霄淒迷不識歸時

雨滴梨花
悶上心頭

鶯啼怯風
愁雨怨

月夕花陰
同蝶夢

路柳絮梨花到夕陽蘭枯蕙苑不禁霜黃壚深壑
玉芳州暗埋香壘玉埋香自何所忍見容華委塵
土人在不知歡人亡但知苦豕今徒哭君不聞君
倘能悲我不信知是韓憑兩地悲何不當時一宵
盡腸斷又黃昏含悽怕入門風前疑有影月下未
歸魂夢裡相逢淚如雨驚回猶記夢中語錦衾日
夜睡醺醺睡去還貪夢見君

言葉鄭朗

朔風吹浪卷寒沙海對盤空雪作花大江凍合雲

摩空
口声

空滿天入平荒白草短一聲高雁落邊愁忽念故人
雙淚流後啼虎嘯悲行路歲莫天寒出避仇莽
莽乾坤何以走獨有青山在馬首歸來門巷掩蕭
疎盡日無人好著書太陽不照君孤憤寶劍光沉
手自救小臣欲向天帝訴九閻我我廟豹怒

贈陳將軍

將軍颯爽氣食虎早謝諸生事旗鼓雙旌落日使
夷王疋馬西風說強虜金笳朔雪照營門鐵衣光
閃凋弓昏將軍仰天誓報國拔劍擊海海水渾寒

劍戟雪霜

云中太守
漢魏尚也
上功幕府
一言不相
應文吏以
云錦之

雲出塞長凍艸合沙黃萬騎朝吹角千山夜度霜
東南走遍扶桑國刀環黑帶風塵色幾回虜盡一
身存六十年来雙鬢白功蓋華夷壓陣雲可堪爵
賞不覓勲老将耻班新部曲偏師猶屬大將軍君
不見雲中太守坐按堵一言不合幕府怒陳湯萬
里威腥羶白首那知尚戍邊嗟嗟倚軍何桓桓丈
夫不為虎躍即為龍蹠轅門一笑解金鞍賓朋相
見聲相歡歸來不用千金壽華屋青山一尊酒嗟
嗟將軍之功挂人口馮唐劉向之徒那不有陳生

本是封侯人魏公終作雲中守

傳御史行

崑崙之山高嵯峨青天一片流黃河大地微茫出
 桐栢萬里長淮走秋色二水東流日夕奔君亦胡
 為下薊門薊門落日照馬首臘盡河水尚枯柳黃
 沙深不見人誰餞孤臣一盃酒軒轅臺壯天荒
 涼臺上曾憑覽太行一毫風塵向東國劍花蕭瑟
 帶燕霜古廟黃能思夏后高立白虎吊吳王傳御
 史丈夫事業當如此七尺之軀報天子南荒瘴癘

不事脂粉一段媚姿可人

秋波一轉令人情趣融液

亦不惡何況東來窺大壑大壑崩騰不足驚馮夷
 擊鼓龜鼉迎八月烁濤卷海射天青嶽色參差明
 靈鰲背負三山至看君浩蕩蓬萊行漢家纍纍盛
 金紫走馬長安多老死君不見傳御史

贈吳生

闔閭城頭草花香延陵墓上落日黃何者王孫稱
 季子千載風流無乃是落拓人間三十秋骯髒不
 肯干王侯曾將雙璧酬紅粉破盡千金買紫駝吳
 地烟花住來久眼前一片秦淮流歸臥滄江白日

軌音懷墜音減上声

速夜夜刀鐮響空谷那堪鬢髮秋蓬飛幾見薜蘿
春草綠願君且莫歎蹉跎丈夫失意奈爾何愁來
擊筑向尊酒女本吳人善楚歌

薊門行送王生北上

南浦逶迤漲絲波片帆孤月生黃河黃河東來水
穀盡行人北上關山多留君不發勸君飲白日為
君行蹉跎落落幽燕薊門闊大行直倚鴻蒙割天
開日夕臨九邊山阻風雲護雙闕君行漸北邊氣
深馬首西風一何烈榆關畫角吹微霜獵騎金鞭

詞語英
可人

也
魏倫花選

金張二生
漢青我

照積雪薊丘覽古高臺其黃沙入草烟茫、美人
不見藏鈎處俠客猶餘蹴鞠場古來飲馬空垂名
葱河日夜流長城長城下有英雄骨此時忼慨誰
能平漸離荆卿寸心許更願一拜田先生青萍紫
騮兩無恙高堂擊筑咲相向百壺沉醉攫鼈前萬
里橫行沙塞上歸來日日傍紅樓滿簾明月彈箏
篴一生不入金張宅一生不願王侯遊王郎意氣
倘如此臨行贈爾雙吳鈎

天台山人歌贈林養頌

珠玉橫飛
綺繡錯落
如登赤城
橋入山陰
道駭自動
心

天台山人冰雪色目光射海髯如戟高室明月照
刀環匣劍霜浮古花赤文章往々薄諸生門巷時
時通俠客迢遞青山遙見招赤城髣髴見霞標僊
人盡日看瑶草細路何年度石橋竭來頓轡吳山
側一咲相看兩莫逆浪吹孤日海門開風卷空波
江雨白莽々乾坤縱復橫如君寔有古人情假令
千載猶且莫何況四海為弟兄夢寐名區亦已久
靈潮咫尺電颺吼君今為我報山靈明日天台一
把手

打獵篇

幽拜八月天蒼涼平原無人秋艸長帝子王孫齊
出獵少年一一皆戎裝甲光耀日千金鎖袍繡盤
花五綵妝雕鞍玉勒紛來往千騎萬騎披草莽出
匣泉流寶劍號控弦風急凋弓響蒼鷹亂擊百鳥
呼將軍仰射金僕姑文鶴錦鷄馬前墮絲々毛血
灑平蕪魚然獵犬風雨迅黃狐玄兔一時盡塵沙
四起天地昏猛虎亦驚山谷震山前逐鹿莽縱橫
關外蕭々胡馬鳴少年彎弓挾飛騎直過秋風古

詞調翩躚
如生龍活
住虎不可捉

壯平富貴豪華事遊佚玉葉金枝誇慄疾綉旂画
戟列長雲白馬紅袍驕落日須臾偃息人馬閑臂
鷹牽犬紅斑々遠出不知原野闊歸來但見車輪
殷長安大道人如蟻爭看王孫出獵還

送沈長孺東還

憐君有才時不偶空令歲月風塵走公車三上長
安春馬蹄幾別都門柳劍花白日照嶙峋不作橫
眉向紫旻酒中大嘯驚燕市醉來一睨當壚人季
子金多何足問張儀舌在安愁貧昔年咄々憐枯

滑如神龍
戲矯似勁
翻搏風

稿感君高義與君好可堪今日送君歸
江南道君歸且得臥煙霞余獨翫
依天涯東方苦饒侏儒飽出入羸馬多
泥沙豕寄歸心與君去
黃河悠々日東注別後相思海月秋
蘆憶浮垂綸處

贈瞿九思

瞿時以註誤長流塞外余憐其高才煩
寃為作此詩

盧龍浩蕩秋烟生風吹九邊哀角鳴
壯士起舞手

說腕而談

雄沉悲狀
似荆卿入
秦時

淚汪上湘
江水難洗
北煩冤

拔劍天星散落銀漢傾黃河倒翻白日裂瓠子夜
決魚龍驚鉅靈劈山五丁走為君磊落懷不平我
欲撞萬石之鐘擊鼙鼓大呼百神向天語百神不
應皇天不憐女女有才名落吳楚楚中煩冤屈大
夫獨畝詞賦悲千古勸女意氣休摧截逢人且放
雙目光鳳皇鴟鴞誰復辨空然慟哭過江湘古來
高才多不免白也長流向夜即君今遠徒何為者
青天無人位曠野火暗屯雲壁壘西刀寒積雪陰
山下雙鬢漣娉四十年可憐此日犯風煙沙場倘

堊英雄骨天地終垂孤憤篇相公憐才 聖明主
男兒定不絕窮邊

瞿童子詩

瞿童子名申楚人瞿九思子抱才甚奇年十三
徒步走魚師上書相公訟父冤辭情忼慨余見
而心壯之遂訪其父子即中贈之以詩童子亦
有贈余之作

楚中何物寧馨者秀首鬢髮亦灑灑十三作賦能
凌雲士步成詩不倚馬上書相公訟父冤忼慨陳

隔葉黃鸝

空好音啼
出許多春
意

詞淚盈把煩冤直欲叩天關長安六月霜飄瓦願
將高義附縵縈少年不在岑生下君家父子俱才
賢黃鵠落羽遭鷹鷂白日有時不照地豐城獄底
埋龍泉文字豈招神物忌才名不受世人憐我徒
長安識女父因識女一見把手相勞苦蕭然短褐
吹秋風向人有氣不得吐世人爭謁五侯門眼前
誰復哀王孫

訓周元孚民部

楚中山川何雄哉南紀涵江漢開祝融之峰秀

我瑁進前
集三千珠
履都甚哉

且拔朱陵紫蓋通僊臺玄夷使者授金簡精靈萬
古安能迴星河高倚三峰出波浪平吞七澤來洞
庭蕭々木葉下屈子靈修尤不化賈生藻思懸長
沙處士才名落江夏即今才士猶雲興詞壇旗鼓
君先登一曲南風吹落日片言煇色起巴陵君操
郢雪燕市裡燕市高謔万人廢風流白日不銷沉
意氣青天可凌厲一見憐余調頗同翻然騰行走
下風願佐雙龍駕鉅海願隨八駿行秋空安能典
斥鷃之羽爭枯蓬

送桂博士入楚

桂生蕭瑟人浩蕩觀八垠人生行樂耳何必營千
 春薄遊可玩世何必要路津長安不收明月珠壯
 風夜夜吹瑯玕五侯七貴不足問彈箏自向酒家
 胡年之上書何為者黑頭佐吏風塵下聊借微官
 向楚中志日空原駟瘦馬楚國山川六千里君行
 寧為微官喜高言一落大湖深胃中雲夢不知幾
 天晴豔色漢陽開一片孤帆江上來白日宰縣鸚
 武賦青山誰吊禰生才君今寄傲滄洲上天地安

淡月疎星
 掩映薜蘿
 秋色

能羈任效直取當年曠士懷黃鶴高樓尚無恙長
 安佐客厭紛紜眼前世事如浮雲我亦明朝為小
 吏三湘七澤好從君

贈沈琳仁

少年才子入明光春容大篇森琳琅片言落筆搖
 文昌儼如繁星麗寒芒天門萬里開霞乘駿馬銀
 鞍大路旁共羨朱顏白日香西施浣紗江水長疎
 看老大泪成行自領春風吹曲房

長安明月篇

倚流之度
 若羨女簪
 花

雲駕香車
月下歸

長安明月正秋宵
桂對扶疎香不銷
初懸碧海生華屋
漸轉朱城隱麗譙
白露玉盤流素液
丹霞寶鏡拂輕綃
明浮漢殿涼僊掌
暗入秦樓濕紫簫
魄滿中秋天浩蕩
光圓三五夜迢迢
參差玉葉披香樹
宛轉金波太液橋
披香太液紛相屬
玉葉金波寒蔌蔌
萬戶平臨不夜城
六街盡在清涼國
洞庭湖中木葉稀
姑蘇臺上城烏宿
靈妃鼓瑟湘江頭
神女弄珠漢水曲
朱絃的的泛崇蘭
翠袖娟娟映修竹
既從天漢掩疎星
二典君王代銀燭
君王對

眉女新月

此秋湯湯龍頤魚鑰開
長安閃閃鴛鴦香霧繞
溶溶鴛鴦玉革溥
風飄綽約雙鬟女
花近歲徃七寶欄
新出顰眉描正似
圓來嬌面借同看
昭陽粉黛生香煖
長信梧桐照影寒
飛燕單衫初舞罷
班姬雙泪欲啼乾
自以光輝薦寒暖
每逢佳節助悲歡
有時照入空閨裡
蕭瑟流黃波
驚起能於瓦上白
如霜復遣牀前凉
似水情到鸞箋淚
萬行夢回鴛鴦帳
人千里有時照向邊
寒頭黃沙茫茫白
草秋已傷長夜吹邊
邃又奈寒光照戍樓
歸興三秋度遼

水中月鏡
中花

水愁心一瘦滿拜州古來一片長安月對之萬種
人情別月圓月缺如循環秋去秋來無斷絕逐令
皎皎地上霜都作星星鬢邊雪從他人在換春秋
不向中天數圓缺且因光景及芳年乘興先開歌
舞筵同酬綵筆邀希逸自舉金盃呼謫儷佳會於
人既不易良宵碩影亦堪憐興來坐到星河曉醉
後還探明月篇最愛霓裳羽衣曲乘風便欲問婵
娟

田別沈君典馮開之諸君

憶昔長歌栖海曲浮空幾見海水綠門前月出青
峰高直泛天雲駕黃鵠偶然挂帆秋冥冥橫素波
弓凌太清扶乘萬丈落盃底三山挿入雙鬢平夜
寒龍女明珠色石裂江神鈇遂聲扣安期生拉羨
門子相視大咲不能止當時浩蕩有如此何人喚
我出蒿萊布衣短褐長安來春風鳳輦千花艷曉
日銅龍萬戶開揖客頻回紫駟馬停鞭一問黃金
臺黃金臺下都人滿道上逢君意款款古來結交
在片言立談之間鮑與管白日為君遲浮雲為君

安期生委
門子皆是
仙名

燕易州

滿庭珠玑
從筆端墜
下至其格
調自慶曆
大元中未

緩彈碁擊筑胡姬春
恹恹悲歌驚四隣
豈知在事翻海水
合是文章忌鬼神
落花同日隨風散
一墜泥沙一錦裯
君也昂藏向霄漢
予今磊落走風塵
風塵使人太苦折
腰日日趨公府
豪氣清談安在哉
丈夫俯仰工眉嫵
吁嗟乎東方玩世
世所侮寧論為鼠與
為虎雲霄故人雙眼
明憐余涕泪紛後
衡鴻雁今飛何處
影河橋惜別不勝
情對君詩飲君酒
拔劍起舞亂壯斗
落日啼殘上苑鸞
西風吹折都城桎
城頭鼙鼓四搗酒
醒上馬月欲斜

故人片時猶在眼
春明門裏是天涯

寄顧益卿

余出都門顧觀察益卿追送報國寺相與劇談
沉酣達旦平明別去賦此寄之

昔年草草長安遊
今年小吏走滄洲
壯風烈烈關山道
何物英雄顧虎頭
天塞走馬來相負
腰間解贈雙吳劔
玉壺醉我都門秋
生來能樂不能愁
便與擊筑彈箏篴
我本要離俠者儔
願侯意氣片言投
酒酣雄談傾不周
自言嘗戴鐵兜鍪
整手提長劍

唐書金石
彩散雲霞
詩家仙品

騎驊騮疲斫賊營摧山丘殺人如草還窮蒐屠生
聞之開兩眸捋髯把臂呼君侯君侯君侯文修天
上五鳳樓武可當縱衡百萬之貔豨丈夫如此真
赴赴揚雄老苑相如優文章道是雕獼猴黃沙莽
莽生邊州黃雲片片落魏裘白日不動滹沱流疲
深命取太白浮狂來浩蕩歌吳趨天星一夜歷亂
不得休明朝酒醒揮手別班騅去矣風蕭颯

太白酒也

彭城下吊項羽

彭城城高垂曠野河流崩騰堆象馬大江月出

悲悽雄壯
頂重腫顛
末事蹟請
之令人扼腕

艦空孤帆夜宿彭城下彭城之山鬱對不開項王
氣餘高臺日落黃雲壓古壘天寒白露生秋苔當
時雄心掃六合親提猛士渡江來縱衡長劍叩關
西秦關百二如沉洗飄飄回旗忽指東漢王膝行
走下風烏騅橫衝萬馬間將士凋兮不敢彎只用
刀頭畫江水直從掌上分河山睥睨已無赤龍子
其餘英雄盡孤鼠天下侯王皆受封自取彭城王
西楚指揮既定霸王基撞鐘伐鼓建華旗白日高
臺駟駿馬疲深錦帳擁名姬蓋在雄威山可拔一

朝跌宕復何說
忼慨態未大澤深
英雄運去寶刀折
不能沉首向他人
烏江之事亦烈烈
霸王事業雖不成
一時雄快良可驚
昔日雄圖荒壁壘
至今楚水流彭城
我來一吊斯人罷
卷地悲風萬里生

淮陰祠下作

淮陰祠下淮水空
山川非走多烈風
烈風蕭蕭卷斷逢
飛濤相礮寒日紅
停撓細數英雄事
不在于金酬漂母
不在百戰掃羣酋
乃在布衣折節過屠
中丈夫致身為神龍
當其汎蟠俛與蝦蛆
同卷舒

態度
翩躚

鳳幸
鴻冥

如此真英雄
吁咤乎將軍既已為神龍
神龍泥升天都升天復能潛
盤渦清溪白石何不可溷
娑高鴻飛飛遠雲羅雖有睥睨
如將軍何何為日莫遭軼軒
英雄已矣去日多荒荒古祠
生藤蘿長樞大版祠前過歲
歲西風送逝波

吳王歌

吳王昔日起高臺
歌舞新收勁越回氣整東南
金作埒巧窮吳楚錦成堆
千尋綉柱凌雲度四面朱欄
傍水開直捲星河迴錯落
高馮天闕象崔嵬江

綠柳烟外
梳雲輕紅

香枝頭春
意鬧

頭燕掠花將暝城上烏棲月欲來前殿旌旗催夜
角後宮絃管送春松冉冉池蓮簇紅亭鋪遍流黃
臨水閣採將秀色比娉婷倦倚嬌娃何綽約芳艸
蘭舟錦纜牽垂楊駿馬紅纓絡南浦齊聞宛轉歌
西園不下歲粧鑰南浦西園幾度看文牕綺構日
盤桓娟娟繡帶黃金縷的的朱櫻白玉盤官井碧
梧閒吠犬池亭翠篠密栖鸞稱詩戲贈同心結闔
巧妝臨七宝欄妃子風流無奈舞君王顏色不禁
欢酒罷君王復大笑喧喧車馬金閭道吳地初

精燿
華灼

天府
笙歌

花月殘越王又送宮娃到歌分簫管舞尤工色並
荷花香更好露點疎螢度玉除星垂明月啟朱扉
雕牀翠被妃央曉繡幌金屏孔雀圍簾下乘風歌
宝扇凄凉城燭解羅衣乘風城燭对秋光宝扇羅
衣興轉長鴉翅暗偷雙鬢色龍涎都散六街香館
娃宮裡花如霧銷夏鬢前月似霜碧海枯桑在能
幾朝朝莫莫君王喜語驚鸚武喚初回醉入茶蘼
疾不起買咲追逐夜未央万歲千秋樂无已梨花
曉夢逐飄風楊柳春霄同逝水高臺把酒問花神

秋水美

富貴繁華能幾春只听西湖採蓮曲寧知東海取
薪人会稽兵來風雨速十萬貔貅動地哭日上花
枝啼鷓鴣春回芳草遊麋鹿鏡中已作綵雲飛臺
下依然江水綠天蒼古對老宮槐野曠寒沙沒却
鞋丘壠茫茫陳王回田夫往往得金釵古來歌舞
多零落日莫江頭一悵懷

蕩子從軍行

飄飄蕩子遠從軍黯淡河梁歎送君万里蒼荒悲
出塞十年杳杳念離群旗翻夜獵捎邊馬弓響秋

清虛
宛轉

鵬落陣雲霜入袂笳聲烈々忽報單于角道絕
斗朝馳鉄勒烟銜枚夜度龍沙月黑山部落總銷
魂白馬馬支暗流血帳中夜々飲蒲莖手拔龍泉
膽氣豪五月回軍屯隴右三秋轉戰出臨洮風高
葱嶺催鉦鼓日照陰山掣佩刀葱嶺陰山雪十文
蕩子經行久無恙斬首心雄七校前冠軍名播三
邊上丈夫輕別重遠遊自言談笑取封侯君行絕
塞音書斷妾守空閨涕泪流燕子樓中常歎宿露
莖花下結千愁涼風綉帶難為夜小雨銀缸不奈

秋一道烽烟邊報急天子雲中羽書集胡兵今道
 試長驅漢家孤軍又深入邊邊消息年年戰竟夢
 關山夜夜泣夢去那知蒸履寬夢回但見珊瑚濕
 蒸履珊瑚可奈何夢魂消息度交河高臺落木臨
 邊盡空磧寒沙出塞多空磧高臺數千里落木寒
 沙望中起陰、白日動秦關漠、黃雲壑漢壘十
 年談笑不封侯百戰何時見天子妾身直是老
 猿眉蓬鬢蕭、粉面垂攬涕因思戈甲冷裁衣忽下
 剪刀遲此時含情待明月此時緘怨問花枝雪散

和筋
神品

四頭一額
百媚生春


薜蘿春又綠秋殘蕙草露仍披人愁人老具容易年
 去年來為別離不信近今衣上泪請君看耻髮邊絲

東海病農歌為林生賦

東海病農林芝生前身龍伯典鉅灵手劈二華走
 五山倒翻白日掀滄溟操蛇之神訴上帝帝怒之
 子逢天刑即今譖去扶桑國與尔侏儒跛一足已
 知骨相非侯王愿作農夫棲海曲閭闔天門開窈
 窕白瑩黃金為微道盤跚躑躅過其前上帝欣然
 玉女咲微吟散步向凉天五步十步絕可憐焚香

鍾繇王羲之皆善書者

驚人語



夜坐南華叟好雨春犁東海田窺井造物亦自偉
 獨留妙于擬雲烟貧居委巷空四壁門外喧喧車
 馬客霜落閑庭柿葉紅草滿林塘池水黑李書臨
 帖二十霜筆意往往入鍾王借得秋空一足練亂
 駘壯斗婦寒芒病農歲上居東海海水可以供揮
 灑天神下來山鬼哭赤鳥綠字留千載世人只解
 恥長途平居六博愛呼盧君看跛者亦太巧天生
 妙手秀且孤鬼曹飲酒過百榼下筆神羊一字無
 即如神羊一字无如飛奴是何為乎六卷尾

(The left page of the manuscript is mostly blank, showing signs of age and wear, with some faint bleed-through from the reverse side.)

